## 宋 元 學 案

輔萬別見潛庵學案 張洽並為淮洲諸儒學案 生人心思想是大事上人数 廣川為潜庵學業 從孫洪範則見介軒學案 會孫沒

杜煜 禁淵 東垣別為木鐘學業 連続明 陳易別見北溪學紫 陳淳別爲北溪學奏 察沈別為九峰學案 杜知仁並爲南湖學案 **莱**味道別見木鐘學案 蔡沆並見西山蔡氏學案 李方子並見消浙諸儒學業

彭遍年 朱之源 **趙師恕**並見勉齊學案 趙崇憲 劉黼 

孫應時 高松別見止齊學來 舒琳別為廣平定川學案 **傅定**別見說齊學案 体夢泉 包約 包揚 周良 包遜 諸葛千能 人表

石宗昭 超師雍並見槐堂尚備學案 趙師蔵 輸仲可 **私樓鑰別見耶劉諸儒學案** 文一百,五十五人並見館州賭儒學案 朱元母亲在店 吳柔滕 柴中行別見耶劉諸儒學案 父口 陳縝 魏了翁別爲褐山學案 于口一 子淵 于潜並見視堂諸儒學案 孫口

《於元學集祭四十八法 日 趙汝騰 陳均 **本道傅別見劉李請倘學案** 謝夢生別見木鍾學案 李大有別見東萊學菜 祭和別見北溪學業 詹初別見勉齊學案 趙復別見魯齊學案 方鎔別見北山四先生學案 -孫必曇-學族 作品 虚見

超汝靚 呂祖謙別為東萊學菜 潘時別見元城學案 韓元吉 別見和靖學案 超汝愚別見玉山學案 張杖別為南軒學案 余季芳別見介軒學來 熊朋來 愈野 愈逝 並朱學療傳 一子太古 黃奇孫別見潜庵學茶 王都中別見魯齊學案

陳景思 黄樵仲 項安世 張水院見玉山學業 何鍋 並解新學品 並晦翁講友 **后**整 趙不息 **沙見劃胡猪儒學案** 杜煜 **社知仁並為南湖學**崇 **基 汝談 別見油 前諸信學案** 132.135日起起了人大家

**芝**等翁同謂 劉光祖別為耶劉諸信學案 劉靖之 到清之並為清江學案 孫 文 諸 別 見 木 心 学 来 力 に 力 九

朱元學案卷四十八 晦翁學案 鄞縣全祖望次定 餘姚黃宗羲原本 子蓋統四先生言之其實朱子本師為再傳自延平而朱子為三傳序錄本不可朱子為三傳序錄朱祥材業朱子學案本稱紫陽謝山之益若墨守而屛棄一切馬則非朱 其偏然善讀朱子之書者正當偏求諸家以收去短集長 祖望謹案楊文靖公四傳而得朱子致廣大盡精微綜羅 百代矣江西之學浙東永嘉之學非不岸然而終不能諱 男百家纂輯 こことろうこ 切馬則非朱子之學也 後學慈谿馮雲濠校刊 道州何紹基重刊 鄞縣王梓村重校 並時翁學 

道者士思其教民懷其德不忍其去至五考而後罷二十八年 延平門人楊胡再傳 鄭氏草堂生先生先生自幼類悟五歲讀孝經卽題日不若是 為與延平九溪縣尉建炎四年麗官寓九溪城外號秀峯下之 官司勳吏部郎以不附和議忤泰槍去國行誼為學者所師當 朱熹字元晦一字仲晦徽州婺源人父章齊先生松第進士歷 秀民充弟子員日與講說聖賢修已治人之道禁婦女之爲僧 文公朱晦庵先生熹 八也年十八登紹與十八年進士第授泉州同安主簿選邑 **水**秖 再 傳 耳 一十九年以陳康伯薦召以疾辭孝宗卽位詔宗直言 、大万母芽を見十万

**戴天个日所當為者非戰無以復讐非守無以制勝且陳古先** 對其一言大學之道在乎格物以致其知陛下未當隨事以觀 朝廷者監司之本本源之地亦在于朝廷而已隆興元年復召 條斯民之休戚斯民之休戚係守令之賢否監司者守令之綱 共戴天之響則不可和也明矣願閉關絕約任賢使能立紀網 聖王所以强本折衝威制遠人之道時相湯思退方倡和議除 理即理以應事平治之效所以未著其二言君父之讐不與共 厲風俗俟數年之後國富兵强徐起而圖之次言四海之利病 修讓之計所以不時定者講和之說誤之也夫金人于我有不 理所存機悉畢照則自然意誠心正而可以應天下之務次言 先生上封事帝王之學必先格物致知以極夫事物之變使義 一人だしまだを日上へ 111

甚多訪白鹿洞書院遺址奏復其舊為學規伸守之明年夏大 沖佑觀五年史浩再相除知南康軍值處不雨講求荒政全活 官主管台州崇道视淳熙二年除祕書郎力辭乃主管武夷山 家相申前命叉辭孝宗曰朱熹安貧守道廉退可嘉特改令人 官待次五年丁內艱六年工部侍郎胡公銓以詩人薦與王庭 大無偏黨反側之私然後有所繫而立必親賢臣遠小人 早上疏言天下之務莫大于恤民而恤民之本在人君正心循 以立紀綱蓋天下之紀綱不能以自立必人主之心術公平正 珪同召以未終喪辭七年免喪復召以縣不及養辭九年梁克 先生武學博士待次歸乾道元年赵就職旣至而洪适爲相復 主和論不合復請嗣歸三年劉公珙在樞府薦爲樞密院編修 アグラスラメー

義理之歸閉塞私邪之路然後乃可得而正今宰相臺省師傅 號令黜陟不復出于朝廷而出于一二人之門莫大之禍必至 集天下士大夫之嗜利無恥者文武彙分各入其門交通貨胳 習之臣上以蠱惑陛下之心志使陛下不信先王之大道而悅 賓友諫諍之臣皆失其職而陛下所與親密謀議不過一二 所盜者皆陛下之財命卿置將所竊者皆陛下之柄使陛下之 了功利之卑說不樂莊士之識言而**安于私贄之鄙態下則**招 **元生提舉江西常平茶鹽旋錄救荒之勞除直祕閘會浙東大** 一之好名陛下疾之愈甚則人譽之愈聚無乃適所以高之不 ) 愛近在朝夕而陛下獨未之知孝宗讀之大怒宰相趙雄日 因其長而用之彼漸當事任能否自見矣孝宗以爲然乃除

饑歧提舉浙東入對首陳災異之由與修德任人之說次言近 政庶幾猶足下結人心不然臣恐所憂者不止于饑殍而脟在 **所得而顏乃獨受其弊孝宗為動容先生拜命即日單車就道** 聰明邪佞充塞貨賂公行人人皆得滿其所欲惟有陛下了 習便嬖側娟之態旣足以蠱心志而胥吏狡猾之術又足以眩 **被租稅詔宰臣沙汰監司守臣之無狀者遊選賢能責以荒** 然于救荒之餘隨事處濫必為經久之計復奏言爲今之計獨 日鉤訪民隱按行境內郡縣官吏憚其風采至自引去所部蕭 丁盗賊蒙其害者不止于官吏而上及于图家也知台州唐仲 **竹賣躬求言然後君臣相戒痛自省改其次惟有盡出內庫之** 一、供大禮之費為收雜之本詔戸部免徵舊頁詔漕臣依條 

燕閒蠖濩之中虚明歷物之地天理有所未純人欲有所未盡 前受六上淮不得已奪仲友江西新命以授先生辭不拜遂歸 遷江西提刑未行先生行部至台訟仲友者粉然按得其實章 必大奏趣先生之任遂入奏首言近年刑獄失當獄官當擇其 先生也十年詔主管台州崇道觀蓮華雲臺鴻慶之祠者五年 御史買面對首論道學者大率假名以濟偽願攢棄勿用蓋指 且乞奉祠時鄭丙疏祗程學且以沮先生淮又擢陳賈爲監察 下即位二十七年因循荏苒無尺寸之效可以仰酬聖志無力 八次言經總制錢之病民及江西諸州科罰之弊而其末言陛 - 四年以楊公萬里廣除提點江西刊獻十五年准罷相周相 

官以足疾奉祠本部侍郎林栗嘗與先生論易西銘不合劾先 事將惟陛下所欲爲無不如志矣是行也有要之于路以爲正 是以為善不能充其量除惡不能去其根願陛下自今以往 **抃亦逐獨內侍甘异尚在先生力以為言孝宗日昇乃德壽所** 生本無學術徒竊張載程頤緒餘謂之道學所至輒攜門生數 鹧爲其有才爾先生日小人無才安能動人主翌日除兵部耶 狀自知之今當處卿清要不復以州縣爲煩也時曾觀已死王 四字豈可隱默以欺吾君乎及奏孝宗曰久不見卿浙東之事 心誠意之論上所厭聞戒勿以為言先生日吾生平所學惟此 念之頃必謹而察之無一毫之私欲得以介乎其閒而天下 一人妄希孔孟歷聘之風邀索高價不肯供職其偽不可掩差

曹職江西提刑先生辭免太常博士葉適疏與栗辯謂其言無 宗日林栗言似過周必大言先生上殿之日足疾未瘳勉强登 學者為黨乃黜栗知泉州除先生直寶文閣主管西京嵩山崇 對孝宗日朕亦見其跛曳左補闕薛叔似亦奏援先生乃令依 福宫未踰月再召先生又辭始先生嘗以為口陳之說有所未 盡乞具封事以聞至是投匭進封事日今天下大勢如人有重 本與今日之急務為陛下言之大木者陛下之心急務則輔盟 八蓋用此術會胡晉臣除侍御史首論栗喜同惡異無事而指 太子選伍大臣振舉綱紀變化風俗愛養民力修明軍政六者 質者謂之道學一語無質尤甚往日王淮表裏臺諫陰駁正 內自心腹外達四支無一毛一髮不受病者且以天下之大 

聰明豈不知天下之事必得剛明公正之人而後可以任哉直 賓客既不復置而篖事庶子有名無實其左右春坊遂直以使 是也古光聖王兢兢業業持守此心是以建師任之官列諫諍 臣掌之旣無以發其隆師親友尊德樂義之心又無以防其戲 役稱職者鮮而又時使那佞儇薄闖冗庸妄之輩參其閒師傅 慢媒种奇衰雜進之言宜討論前典置師傅賓友之官能去春 左右果有如此之效乎至于輔翼太子則自王十朋陳良輸之 坊使臣|而使詹事庶子各復其職至于選任大臣則以陛下之 之職凡飲食酒漿衣服次舍器用財賄與夫宦官宮妾之政無 而無纖芥之隙陛下所持守其心果有如此之切乎所以正其 不領于冢宰使其左右前後一動一靜無不制以有司之法

و دادران مدر ادراد

**毅正直守道循理之士出乎其閒則羣識眾排指為道學而禁** 以一念之閒未能徹其私那之蔽若用公明剛正之人則恐其 **鎦之必使無所容其身而後已此豈治世之事裁至于愛養民 閒是以紀綱不正于上風俗類鄭千下大率智為輭美依阿甚** 至庸極陋決可保其不至于有所妨者然後舉而加之于位是 疲懦輭熟平日不敢直言正色之人而揣摩之又于其中得其 者以金珠為脯醢以契券為詩文惟得之求無復廉恥一 密之地而天下不公之道不正之人願乃得以窟穴盤據于其 下之第一流矣至于振肅紀綱變化風俗則今日官省之間禁 以除曹未出而物色先定姓名未顯而中外已逆知其決非天 有以妨吾之事害吾之人而不得肆是以排擯此等而後取凡 『宋元學案卷四十入―――六』 一有剛

之私 激勸士卒以强國勢豈不誤哉凡此六事本在于陛下之 將之求進也必先掊剋士卒以殖私財然後以此自結于陛 **曷當聞其能易敵人之首如太阻之言哉徒使版曹經費闕乏** 官宫妾之門而陛下之所得皆庸夫走卒而确望其修明軍政 錢已若晚唐之債帥哉彼智勇材畧之人孰肯抑心下首于宦 而輸之內帑以倘它日用兵進取不時之需二十餘年內帑歲 力修明軍政則自虞允文之為相也盡取版曹嚴入美餘之數 日甚督促日峻中外承風競為苛急此民力之所以重困也諸 /不知幾何而認為私貯典以私人日銷月耗以奉燕私之費 人而所以姓名逢于陛下之貴將貴將以付軍中使自什 |保稱材武陛下以為公薦可以得人而豈知其論價輸

管南京鴻廣宮再辭詔論撰之職以寵名儒乃拜命除剌湖南 界先生乃訪事宜上之宰相畱正泉人也其里黨亦多以爲不 路轉運副使鮮漳州經界竟報罷以言不用自劾除知靜江府 起秉燭讀之終篇明日除主管太乙宮兼崇政殿説書先生力 可行布衣吳禹圭上書訟其擾人有旨先行漳州經界明年以 娶之儀揭以示之嘗病經界不行會朝諭欲行汀漳泉三州經 詔獎渝居數月除江東轉運副使以疾鮮政知漳州奏除無名 之賦七百萬減經總制錢四百萬以習俗未知禮采古喪葬嫁 辭除秘問修撰奉外嗣光宗卽位再解職名仍舊直筠文制降 - 喪請嗣時史浩入見請收天下人望乃除先生祕閣修撰主 心正則六事無有不正矣疏入夜漏下七刻孝宗已就寢亟 一般を実験四十八十七十

恐名體不正而疑議生有旨修葺舊東宮為屋至數百閒欲徙 溫将定省之體而大倫正大本立矣時論者以卓宗未還大內 遣人諭以禍福皆降之申敕令嚴武備敢姦吏抑豪民所至與 方再辭有旨長沙巨屏得賢為重遂拜命會將來擾屬郡先生 學校明教化四方學者畢至宣宗卽位趙忠定汝愚首薦先生 反不能無疑于逆順名實之際臣原性下盡預罪引懸之誠致 及陳傅良除樂章閣符制侍講入對首言乃者太皇太后躬定 自以學不及先生乞召爲宮僚王府直講彭螁年亦爲大臣言 **解主管南京鴻慶宮未幾差知洹州力解黃裳爲嘉王府翎善** 入策陛下寅紹丕圖可爾處之以權而不失其正今三月矣或 | 曹正日正非不知熹但其性剛恐到此不合反為累耳先生

ア・バー ア・バー・

紫袍教整馬前者則太上皇帝雖有忿怒之情亦且霍然消散 居之先生奏疏言此必有左右近習倡為此說以誤陛下而欲 陛下罷修葬東宮之役回就慈福蓮華之閒草創緩殿使粗可 他變又聞太上皇后懼忤太上皇帝聖意不欲其聞太上之種 又不欲其聞內禪之說此又慮之過者父子大倫三綱所繫久 委之二三大臣使之反覆校量有不當者歉駁論難擇其善者 譴告譽動之意亦恐畿甸百姓阽于死亡之際怨望忿切以生 因以遂其姦心臣恐上帝廢怒災異數出不當與此大役以弗 居下詔自實滅省與衞入宮之後暫變服色如唐蘭宗之敗服 而不圖亦將有借其名以造灣生事者此又臣之所大懼也顧 而歌意狹治矣至若朝廷之紀綱則凡號令弛張人才進退一

達康豫不能躬就丧次陛下以世嫡承大統則承重之服著在 **外猶執通喪朝衣朝冠皆用大布閒者遺詔初頒太上皇帝偶** 體得安而宗社生堂皆蒙騙矣疏入不報然軍宗亦未有怒先 生意也每以所謂楊次成帙以進室宗亦開懷容納先生又奏 陛下亦得以益明習天下之義而無所疑于得失之算矣若夫 宗耐廟議宗廟选毀之制自太祖首建僖順異宣四祖之廟治 自漢文短喪題代因之三綱不明千有餘年壽是聖帝易月之 稱制臨決則不惟近習不得干預朝權大臣不得事任己私而 旣往之失不及追政將來啓殯發引禮當復用初喪之服會孝 山陵之小則願黜臺史之說別求草澤以營新宮使壽皇之遺 **歷律所宜遵辭皇已行之法遂用漆紗淺黃之服臣竊痛之然** 《朱元學朱卷四十入一十八人》

然侍從多從其說吏部尚書鄭僑欲且朓宣祖而祔孝宗先生 有廟與稷契無異請復其舊時相趙忠定雅不以復配僖祖為 平閒議者以世數寖遠請遷僖祖于夾室後王安后等奏僖祖 且諫且拜內侍王德謙徑以御筆付先生臺諫爭留不可棲官 用事先生憂其害政上疏斥言左右編柄之失在講筵復申言 以為神宗得禮之正所謂有舉之而莫敢廢者乎又擬其廟制 **更創別廟以奉四祖始寧宗之立韓侂胄自謂有定策功居中** 以辭以為物豈有無本而生者廟堂不以聞卽毀撤僖宣廟室 生行被命除實文閣待制與州郡差遣辭琴除知江陵府辭韶 厭鑰與陳傅良旋封遺錄黃修注官劉光祖鄧鼎封章交上先 人御批云憫卿耆艾恐難立講已除卿宮觀趙忠定袖還御筆 THE THE PERSON IN 

寧宗言又數以手書啓忠定勿使得預朝政忠定謂其易制不 名之士中外引领望治先生獨惕然以侂胄用事為應旣屢爲 依舊煥章閣待制提舉南京鴻慶宮初忠定旣相收召四方知 州編管四年先生以年近七十申乞致仕五年依所請明年本 以為意及是忠定亦以誣逐而朝廷大權悉歸侂胄矣先生始 勉學及修正遺費為言型日正坐整衣冠就枕而逝先生登第 知漳洲潭州凡五任九者及經筵纔四十日家故貧少依父友 五十年仕于外者僅煙同安簿知南康軍提舉浙東常平茶鹽 **租為監察御史誣先生十罪詔落職體制門人蔡元定亦送道** (廟議自劾不許以疾再乞休致部依舊祕閣修撰] 一年沈繼 疾且革手書屬其子在及門人范念德黃幹拳拳以

アプラ単写するストーノ

劉子羽寓建之崇安後徙建陽之者亭簞瓢屢空晏如也諸生 非其道義則一介不取也自先生去國侂胄勢盆張何澹為中 臣結爲死黨與何聊器乃命直學士院高文虎草詔諭天下于 又變為逆黨即日除三傑右正言右諫議大夫姚愈論道學權 是攻偽學日急選人余嘉至上書乞斬先生方是時士之獨超 軒之徒所禮及為諫官首論團正引偽學之罪偽學之稱自此 可首論專門之學文能沾名乞辨眞偽劉德秀仕長沙不為南 乙自遠而至者且飯繁葉率與之共往往稱貸于人以給用而 **宛太常少鄭胡紘言比年偽學猖獗圖爲不軌望宜識大臣權** 以前御史論先生趙汝愚劉光祖徐誼等前日之僞黨至此而 |進拔述召陳賈為兵部侍郎未幾先生有奪職之命劉三傑 ■ | 宋元學案卷四十八 十

**年十四章齋公病巫嘗屬先生日籍溪胡原仲白水劉致中屏** 生以致仕除華文閣待制與致仕恩澤後低胄死詔賜先生遺 者笑而不答有籍田令陳景思者故相康伯之孫也與侂胄有 以自別其非黨而先生日與諸生講學不休或勸其謝遺生徒 表恩澤諡日文葬贈中大夫特貽實謨閣直學士理宗寶慶三 議時政得失望令守臣約束從之嘉泰初學禁稍弛二年詔先 四方偽徒期倉送偽師之葬倉聚之閒非妄談時人短長別器 **整依阿與懦者更名他師過門不入甚至變易衣冠狎遊市肆** 尺步稍以儒名者無所容其身從遊之士特立不顧者屏伏耶 年贈太師追封信園公改徽國始先生少時慨然有求道之志 爛連粉侂胄勿為已甚侂胄意亦漸悔先生既沒將葬言者謂

**悪劉勉之劉子肇也故先生之學旣博求之經傳復徧交當世** 道統之傳始晦于是竭其精力以肝窮聖賢之經訓其于百家 卦攷誤詩集傳大學中庸章句或問論語孟子集註太極圖通 粗交底于極膏謂聖賢道統之傳散在方冊聖經之旨不明而 有識之士延平李愿中先生老矣嘗從學于羅仲素先生先生 指要中庸輯畧孝經刊誤小學書通鑑綱目宋名臣言行錄家 **知反躬以踐其實而以居敬為主全體大用兼綜條買表裏精** 山劉彦沖三人學有淵源吾所敬畏吾卽死汝往事三人謂胡 **宣四銘解楚辭集註辯證韓文考異所編次有論孟集議孟子** 之支二氏之誕不惲深辭而力關之所著書有易本義啓蒙著 いろうじまなのかりし

塾埜在皆賢在紹定中為吏部侍郎今新安考亭各世襲博上 儒朱子章齋公從祀啓聖嗣先生墓在崇安之九峯山下子三 程及先生從配孔廟元至正二年封韋齋公為獻靖公明洪武 七子列于從配不報淳祐元年正月理宗視學手詔以張周 乞以司馬溫公周濂漢邵康節張橫渠程明道程伊川及先生 **禮近思錄河南程氏遺書伊洛淵源錄皆行于世平生爲交凡** 初詔以先生之書立于學宮天下學者成宗之嘉靖中祀稱先 百卷生徒問答凡入十卷別錄十卷紹定末祕書郞李心傳 百家謹案紫陽以韋齋為父延平白水屏山籍溪為師南

ノタブ与タネレイブ

革以至于死其別初無頃刻停息舉世皆然也然聖人之言則 與張敬夫日人自有生卽有知識事至物來應接不暇念念遷 月所謂未發之中寂然不動者夫豈以日用流行者為已發而 地理之學無不涉獵而講究也其為閒世之鉅儒復何 其實而博極羣書自經史著述而外凡夫諸子佛老天文 **苦思量道道理如過危木橋子相去只在毫髮之閒才失** 放懈其為學也主敬以立其本窮理以致其知反躬以踐 腳便跌下去可見先生用功之苦矣而又孜孜不肯一 姤也稟穎敏之資用辛苦之力皆自言曰某舊時用心甚 見議論本末耳下篇同此自注云此書非是但存之以

指夫暫而休息不與事接之際為未發時邪嘗試以此求之則 泯然無覺之中邪暗鬱塞似非虛明應物之體而幾微之際 中和說一 是退而驗之日用之閒則凡感之而通觸之而覺蓋有渾然全 **而已矣夫豈別有一 禹起萬滅而其寂然之本體則未嘗不寂然也所謂未發如是 履應物而不窮者是乃天命流行生生不息之機雖一** 日覺馬則又便為已發而非寂然之謂蓋愈求而愈不可見于 燈處不可便謂之已發此覺性原自渾然原自寂然 劉蕺山曰說得大意已是猥不是限于一時拘于一處但有 物限于一 一時拘于一處而可以謂之中哉 日之閒

スタラ母弟治世十六

合張敬夫日日前所見累書所陳者只是儱侗見得大本達道

氣象日間但覺為大化所驅如在洪濤巨浪之中不容少頭存 答張敬夫日近復體察見得此理須以心為主而論之則性情 達道之樞要所謂體用一 泊以故應事接物處但覺粗厲勇果而無寬裕確容之氣雖縮 **医影像便執認以為是了蓋只見得箇直截根源傾湫倒海底** 中和說三 病之而不知其所自來也今而後乃知浩浩大化之中一家自 達道者端的端的 劉莊山日這知覺又有箇主宰處正是天命之性統體大本 箇安宅正是自家安身立命主宰知覺處所以立大本行 原顯微無閒乃在于此道邇求遠亦

之所為則心者所以主于身而無動靜語默之閒者也方其靜 之德中和之妙皆有條而不紊蓋人之一身知覺運動莫非心 心而或不仁則無以著此心之炒人雖欲仁而或不敬則無以 致求仁之功蓋心主乎一身而無動靜語默之閒是以君子之 之所以寂然感通尚流貫徹而體用未始相雜者也然人有是 之所以為體而寂然不動者也及其動也事物交至思慮剪爲 **心事物未至思慮未萌而一性渾然道義全具其所謂中乃心** 平存養之實已發之際是敬也又常行乎省察之閒方其存也 者也然性之靜也而不能不動情之動也而必有節爲是則心 則七情迭用各有攸主其所謂和乃心之所以爲用成而遂通 于敬亦無動靜語默而不致其力爲未發之前是敬也固已主 

心之所以周流貫徹而無一息之不仁也 中和說四 以察乎動中之靜是則威而未嘗不寂寂而常感感而常寂此 共身不見其人也有以主乎静中之動是則寂而未嘗不感有 答湖南諸公日向來講論思索直以心為己發而日用工夫亦 思慮未萌而知覺不味是則靜中之勁復其見天地之心也及 急迫浮露無復难容深厚之風蓋所見一差其害乃至于此不 其發也事物紛糾而品節不差是則動中之靜艮之所以不獲 止察識端倪為最初下手處以故缺卻平日潘養一段工夫使 八胸中擾擾無深潛純一之味而其發之言語事為之閒亦當 劉蕺山日以心為主及主敬之說最為諦當 

情為一心之蘊心有動靜而中和之理見爲故中和只是一 之中一家自有一箇安宅為立大本行達道之樞要是則所 先後之可言者也第二書則以前日所見為儱侗浩浩大化 而實有所謂未發者存乎其閒即已發處窺未發絕無彼此 天地別一 根工夫〇此朱子特奓中庸奧指以明道也第一書先見得 少落邊際蓋朱子最不喜儱侗說道理故已見得後仍做鈍 到我山日畢竟求之未發之中歸之主靜一路然較嫌溪為 謂性也第三書叉以前日所見為未盡而反求之于心以性 一處便是仁卽向所謂立大本行達道之樞要然求仁工 段發育流行之機無一息之停待乃天命之本然 ו ייי לאנה ודר וילה

辜預此翁之語固已深信延平立教之無弊而學人向上 朱子之學本之李延平由羅豫章而楊龜山而程子而周子 偏不復理會迨其晚年深悔平日用功未免疏于本領致有 平遊固當服膺其說已而又參以程子主敬之說靜字爲稍 人默坐燈心看喜怒哀樂之未發時作何氣象朱子初從延 自周子有主静立極之說傳之二程其後羅李二先生專教 工夫一節換一節孔孟而後幾見小心窮理如朱子者想按 心言工夫也第四書言工夫之究竟處也見解一層進一 夫只是一敬心無動靜敬無動靜也最後一書又以工夫多 用在已發為未是而專求之涵養一路歸之未發之中云合 而親之第一書言道體也第二書言性體也第三書合性于 Programme and the second 

印以得與于斯文又當不出此書之外無疑矣夫主静一 單提直入惟許濂溪自開門戶而後人往往從依傍而入其 皆載在敬夫次第往復之後經輾轉折證而後有此定論則 要共至乃所為善學濂溪者 盏 也朱子不輕信師傳而必遠琴伊洛以折衷之而後有以 流弊便不可言幸而得亦如短販然本薄利奢叩其中藏可 朱子生平學力之淺深固于此窺其一斑而其卒傳延平心 機必于此而取則矣湖南答問誠不知出于何時考之原集 省退而沈思謂人自嬰兒至老死莫非已發特其未發者 樂未發之旨未達聞張欽夫得衡山胡氏學往問之亦未 百家謹案中和舊說序先生自敘幼從學延平求喜怒哀

ノジア単分者世十ア

觀心說 心知性存心養性所謂見其參于前而倚于衡者皆何謂哉 **政問佛者有觀心說然乎日夫心者人之所以主乎身者也** 邪為客邪為命物者邪為命于物者邪此亦不待教而審其言 觀物則物之理得今復有物以反觀乎心則是此心之外復 謬矣或者日若子之言則聖賢所謂精一 心而能管乎此心也然則所謂心者爲一邪爲一 未及數行凍解水釋然後知性情之本然聖賢之微旨平 為未嘗發耳後忽自疑復取程氏書虛心平氣而徐貳之 正明白如此 一者也為主而不爲客者也命物而不命于物者也故以 一元二日本の日本 所謂操存所謂恭 一邪為主

者也夫謂人心之危者人欲之萌也道心之微者天理之奧也 之日此言之相似而不同正苗莠朱紫之閒而學者之所當辨 塊然兀坐以守其炯然不用之知覺而謂之操存也若盡心云 及之偏矣非以道爲一心人爲一心而又有一心以精一 差者也絀其異而反其同者也能如是則信執其中而無過不 天謂操而存者非以彼操此而存之也舍而亡者非以彼舍此 **云者則敬以直內義以方外若前所謂精** 列則一 · 則格物窮理廓然貫通而有以極夫心之所具之理也存心 |也亦日不使日野之所為得以梏亡其仁義之||良心云爾非 」之也心面自操則亡者存舍而不操則存者亡耳然其操 一也以正不正而吳其名耳惟精惟一則居其正而審 一之也

ノスラ母ダオリナア

其道夷而通其居威而炎共遭實而行自然釋氏之學以心求 乎心則無所適而不見其在是云爾亦非有以見夫心之謂也 多前倚衡之云者則為忠信篤敬而發也蓋日忠信篤敬不忘 然也是豈以心靈心以心存心如兩物之相持而不相舍哉若 **也然非夫番思明報之君子其亦孰能無惑于斯邪** 心以心使心如口齕口如目视目其機危而迫其途險而塞其 抵聖人之學本心以窮理而順理以應物如身使臂如臂使指 也存心而可以發性事天以其體之不失而有以順夫理之自 其心而可以知性知天以其體之不蔽而有以究夫理之自然 理虚而其勢逆蓋其言雖有若相似者而其實之不同蓋如此 且身在此而心参于前身在與而心倚于衡是果何理也邪大 一、宋元學案卷四十八 セン

心者則日乾元坤元則四德之體用不待悉數而足論人心之 妙者則日仁人心也則阿德之體用亦不待徧舉而該蓋仁之 心者也故語心之德雖其總攝貫通無所不備然一言以敬之 既發而其用不窮誠能體而存之則來善之源百行之本真不 **為道乃天地生物之心即物而在情之未發而此體已具情之** 用焉則為愛恭宜別之情而惻隱之心無所不貫故論天地之 不通故人之為心其德亦有四日仁義禮智而仁無不包其發 則日仁而已矣請試詳之蓋天地之心其德有四日元亨利貞 天地以生物爲心者也而人物之生又各得夫天地之心以爲 **向元無不統其運行爲則爲春夏秋冬之序而春生之氣無所** 

域之不同然其脈格之通各有攸屬者則易嘗判然離絕而 者也吾之所論以愛之理而名仁者也蓋所謂情性者雖其分 求仁得仁則以讓國而逃諫伐而餓為能不失乎此心也又日 此心也又日事親孝事兄弟及物恕則亦所以行此心也又日 此心之用無不行也又曰居處恭執事敬與人忠則亦所以存 己復禮為仁言能克去己私復乎天理則此心之體無不在而 在是此孔門之教所以必使學者汲汲于求仁也其言有日之 殺身成仁則以欲甚于生惡甚于死而能不害乎此心也此心 包四德而真四端者也或日若子之言則程子所謂愛情仁性 何心也在天地則映然生物之心在人則温然愛人利物之心 不可以愛為仁者非數日不然程子之所謂以愛之發而名人 17. 行心基系是四十八 た

|權愛||而言仁放特論此以發明其遺意||而子顧以爲異乎程子 言知覺者使人張皇迫躁而無沈潛之味其弊或至于認欲爲 者則可見矣子尚安得復以此而論仁哉抑泛言同體者使人 也觀孔子答子實博施濟眾之問與程子所謂覺不可以訓仁 萬物與我爲一爲仁之體者矣亦有謂愛非仁而以心有知覺 之說不亦誤哉或日程氏之徒言仁多矣蓋有謂愛非仁而以 舍糊昏矮而無警切之功其弊或至于認物為己者有之矣專 心有知覺者可以見仁之包乎智矣而非仁之所以得名之實 釋仁之名者矣今子之言若是然則彼皆非數曰彼謂物我為 相管哉吾方病夫學者誦程子之言而不求其意遂至于判然 者可以見仁之無不愛矣而非仁之所以爲體之其也彼謂 グラフィラスー・ブ

語要 所示樂山能守之氣象九不相似子尚安得以此而論仁哉因 卻如理在先氣在後相似 理若氣不結聚時理亦無所附著 問理在氣中發見處如何日如陰陽五行錯綜不失條緒便 并記其語作仁說 理者有之矣一忘一 **或問理在先氣在後日理與氣本無先後之可言但推上 姜定庵日畢竟理從氣而見說不得理在先** 生仁說為序今正之 百家謹案浙本誤以南軒先生仁說為先生仁說而以先 一月心學等名四十九 一助二者蓋胥失之而知覺之云者于聖門

杨相對也 陰陽只是一 陰陽只是一氣陽之退便是陽之生不是陽退了又別有箇陰 天地始初混沌未分時想只有水火二者水之滓腳便成地今 體也動卽太極之用也 流行何以謂之靜而生陰也觀生之一字可見 太極自是酒動靜之理卻不可以動靜分體用蓋靜卽太極之 太極之有動靜是天命之流行也或疑靜處如何流行日惟是 動 梓村謹案此條案洲錄自文集答楊元氣書 一静所以旅行如秋冬之時謂之不流行可乎若謂不能 氣陰氣流行即爲陽陽氣凝聚即爲陰非直有一 | ラフィラオー・ノー

事凝了初閒極較後來方凝得硬問想得如谢水湧起沙相似 登高而皇羣山皆為波浪之狀便是水泛如此只不知因甚麼 問自開闢以來至今未萬年不知已前如何日已前亦須如此 氣太息慶蕩無垠海字變動山勃川湮人物消盡舊迹大城是 日然水之極過便成地火之極清便成風霆雷電日星之屬 **取靜無端陰陽無始小者大之影只晝夜便可見五峯所謂 即而兩儀始立邵康節以十二萬九千六百年爲一元則是七 卢渾渝未判陰陽之氣混合幽暗及其旣分中閒放得開闊光** |萬九千六百之前又是一箇大圓闕更以上亦復如此直是 ,便一齊打合混沌一番人物都盡又重新起 番明白來又問天地會壞否日不會壞只是相將人 MALLE MALLE

之至深有可驗者 **謂鴻荒之世當見高山有螺蜂散或生后中此后即舊日之土 母管有思愿來然其所以四時行百物生者蓋以其合當如此** 螺蜂即水中之物下者卻變而爲高柔者卻變而爲闡此事思 定程于日以主宰謂之帝以性情謂之乾他這名義自定心便 見天地之心正大而天地之情可見又如何如所說祇說得他 天明則日月不明天無明夜半黑淬淬地天之正色 便如此不待思維此所以為天地之道日如此則易所謂復其 無心處爾若果無心則須牛生出馬桃樹上發李花他又卻自 夫言向者先生教思量天地有心無心近思之竊謂天地無 「便是天地生物之心若使其有心必有思慮有營爲天地 大方導条後四十八 F

流通暑無停閒只是生出許多萬物而已問程子謂天地無心 心草木禽獸接著逐為草木禽獸之心尽是一箇天地之心團 萬事而無情說得最好問普萬物莫是以心周徧而無私否日 明道云天地之常以其心普萬物而無心聖人之常以其情順 是他箇主宰處所謂天地以生物爲心中閉欽夫以爲某不合 **今須要知得他有心處又要見得他無心處只恁定說不得** 百物生天地何所容心至于聖人則順理而已復何為哉所以 如此說某謂天地別無句當只是以生物爲心一元之氣運轉 天地以此心普及萬物人得之遂為人之心物得之遂爲物之 大地初閒只是陰陽之氣這一箇氣運行磨來磨去磨得急了 **向成化聖人有心而無為日這是說天地無心處且如四時行** アルカルのなり E

是在下 許多聰明知識這是如何得恁地虛空之中忽然有風有雨忽 鱖魚肚裏水與鯉魚肚裏水一般仁父問魂魄如何是陰陽口 陽之氣所以夜來說道天地之塞吾其體天地之帥吾其性思 得到這裏見得到一身只是箇軀散在這裏內外無非天地陰 然有雷有電道是如何得恁地這都是陰陽相感都是鬼神看 問鬼神便是特氣魂魄如何日然且就這一身看自會笑語有 為天為日月為星辰只在外常周環運轉地便在中央不動不 便拶許多渣滓裏面無處出便結成箇地在中央氣之清者便 **量來只是一箇道理叉云如魚之在水外面水便是肚裏面水** 姜定庵日磨得急了急字未安易久字如何 パグラは、オスリーノー

**瞥是晶熒之義魄是一箇晶光堅凝物事釋氏之地水火風其** 魂如火魄如水 一說三人之死也風火先散則不能為祟蓋魂先散而魄尙存只 是氣之神魄便是精之神會思量計度底便是魂會記當去底 先儒言口鼻之噓吸為強耳目之聰明為魄也只說得大概卻 蓋魂氣尙存爾又日無魂則魄不能以自存今人多思慮役役 更有箇母子這便是坎離水火緩氣便是魂冷氣便是魄魂便 全然守在這裏不得動又日專氣致柔不是守字卻是專字便 魂都與魄相離了老氏便只要守得相合所謂致虛極守靜黛 是消磨未盡少閉自塌了若地水先散而風火倚運則能為是 便是魄又曰見于目而明耳而聰者是魄之用老氏云載營魄 では、これをおり上し

魂魄之說 也所以說哉生魄易死魄莊子曰日火外影金水內影此便是 則不能也月之黑量便是魄其光者乃日加之光爾他本無光 也魄則不能也个人之所以能運用都是魂使之兩魂若去魄 動者魂也靜者魄也動靜一字括盡魂魄凡能運用作為皆魂 數何說得好 有形後方有精神知覺子產日人生始化日魄旣生魄陽日魂 魄而後有魂故魄為主為幹 陰陽之始交天一生水物生始化日魄旣生魄媛者為魂先有 只是專在此全不放出氣便細若放些子出便粗了也 、生初閒是先有氣旣成形是魄在先形旣生矣神知發矣旣 グラフドラスリーノ

**肾屬水娱氣運動為風地水陰也火風陽也** 或問口鼻呼吸者為魂耳目之聰明為魄日精氣為物魂乃精 甚微非若體魄之懸殊兩問以且言之后之輪體也睛之明魄 **魂氣亦為兩物邪日將魂氣細推之亦有精粗但其為精粗也** 中復有魄邪日精氣周流充滿于一身之中噓吸聰明及其發 **烁非魄乎耳目之中皆有媛氣非魂乎推之徧體莫不皆然佛** 或問氣之出入者爲魂耳目之聰明爲魄然則魄中復有魂魂 氣中無形迹底准南子云魂者陽之神魄者陰之神糧氏四大 **巾易見者爾然旣周流充滿于一身之中則鼻之知臭口之知** 青論四大處似亦雁並此意問先生當言體魄自是二物然則 )說亦是稱見這意思人之一身皮肉之類皆屬地梯唾之類 一个 宋元 毕来卷四十八 —— 章

魂 局水 鲵属金所以說三強七魄是金木之敷也 即其全體而光處乃其魂之發也 光而言之而其輪則體耶日月不可以體言只有魂魄兩月魄 也耳則何如日竅卽體也聰卽魄也又問月魄之魄豈只指其 為變所謂精氣即魄也神與意與志皆魂之所爲也魂魄如 則無不之也不言魄者已葬故不及魄易日精氣為物游魂 陰之盛也延陵季子之葬子日骨肉歸復于土命也若強氣 魂肺戚魄腎蔵精與志信乎日非也此以五行相配多為名 柔洲破邪論論魂魄篇日或問醫家言心藏神脾藏意肝藏 目其實人止有魂魄二者而已隨記日魂者陽之盛也魄者 何分別日昭昭靈靈者是魂運動作為者是魄魄依形而立 

縊之人其下亦有如后者猶星頃如后皆魄也凡戰場之婚 落而魂尚未去者如楚穆王弑成王龍之日靈不與日成乃 魂先去而魄尚存者今巫戚家死後避哀之武是也有魄已 燭其炷是形其焰是魄其光明是魂子產日人生始化日魄 生死以秦之徒性與人殊投入異類亦或有之此在億兆分 火陰|雨之哭聲| 切為厲者皆魄之為也魂無與馬劈之子 **眼中行穆子死而視不可含是也然則釋氏投胎之說有之** 可謂之無或者稟得氣厚或者培養功深或專心致志透過 平日有之而不盡然也史傳如羊权子識環之事甚多故不 旣生魄陽日魂是人之生先有魄而後有魂也及其死也有 魂無形可見故虎死眼光入地掘之有物如石謂之虎威自

鬼來決其必散堯舜之鬼綱維天地豈待其現形人世而後 也聖賢之精神長頭天地寧有散理先傷言何曾見堯舜做 憑以為輪迴乎然則儒者謂聖賢凡愚無有不散之氣同歸 道展轉無已若是則盛衰消息聚散有無成虧之理一切可 已欲散馬能死後而復聚平且六合之內種類不同似人非 以抹卻矣試觀天下之人尸居餘氣精神懵懂即其生時魂 釋氏執其一端以概萬理以為無始以來此魂常聚輪迴六 之中有此一分其餘皆隨氣而散散有遲速總之不能畱也 謂之鬼乎文王陟降在帝左右豈無是事而詩人億度言之 于監者然乎否也日亦非也吾謂有聚必散者為愚凡而言 人地氣隔絕禽蟲之中牛象蟣蝨大小懸殊有魄無魂何所 朱元學来卷四十八 

之氣常相接無閒斷入自不見人心纔動必達于氣便與這屈 鬼神只是氣屈伸往來者氣也天地閒無非氣人之氣與天地 疑普天之下無有不祭其祖先者而謂凡愚之魂盡散乃虚 **茸 尚非 依草附木之精魂可以誣也死而不亡豈不信乎 或 幾其一 綫之氣若非孝子孝孫則亦同一散盡也** 難故必三日齊七日戒陰厭陽厭又立一尸以生氣迎之庶 **副子係盡其誠意感他魂之來格亦非也他何曾有魂在天** 地間其魂卽在子孫思慕之中此以後天追合先天然亦甚 **构乎日凡愚之魂散矣而有子孫者便是他未盡之氣儒者** 其過化之地必有所存之神術能以仁風篤烈拔下民之塌 邪周公之金縢傳說之箕尾明以告人凡後世之志士仁人

事纔動必應也 是氣之雜糅乖戾所生亦非理之所無也專以爲無則不可如 家語云山之怪日夔魍魎水之怪日龍罔象土之怪日镇羊皆 問伊川言鬼神造化之迹此豈亦造化之迹乎曰皆是也若論 既非理之常便謂之怪孔子所以不語學者亦未須理會也 冬寒夏熱此理之正也有時忽然夏寒冬熱豈可謂無此理但 屬則便以爲怪不知此亦造化之迹但不是正理故爲怪異如 有雷霆風雨皆是也但人所常見故不之怪忽開鬼嘯鬼火之 伸往來者相感通如卜筮之類是皆心自有此物只說你心上 死而氣散泯然無迹者是其常道理恁地有託生者是偶然發 理則似樹上忽生出花葉此便是造化之迹又如空中忽然 《宋元學案卷四十八

**燒我未滿七日其人焚之後其道人歸叫 屬取身亦能于壁閒** 用之問先生答廖子晦書云氣之已散者旣化而無有矣而根 事亦然其人只管討身隱峯日說底是甚麼其人悟謝之而去 寫字但墨較淡不久又無嘗見張天覺有一事亦然鄧隱爭 是不甘心死銜冤憤者亦然故其氣皆不散浦城山中有一 盡則共氣散矣或遭刑或忽然而死者氣猧聚而未散然亦終 問伯有之事別是一理如何日是別是一理人之所以病而終 得氣不散叉怎生去湊著那生氣便再生然非其常也伊川云 人常在山中燒丹後因一日出神乃就其人云七日不返時可 左傳伯有之爲厲叉別是一理言非死生之常理也 散釋道所以自私其身者便死時亦只是畱其身不得終 道

|樣其實只一般若說有子孫底引得他氣來則||不成無子孫底 **高祭不祭宜其如此又如晉侯夢黃熊入寢門以** 一體合祭他然聖人制體惟繼其國者則合祭之非在其國者便 考之精神蓋謂此也根于理而日生者浩然而窮此是說天地 他氣便絕無了他血氣雖不流傳他那箇亦是浩然日生無窮 便用祭甚爽鳩氏季前逢伯陵蒲姑氏之屬蓋他先主此國來 如禮書諸侯因國之祭祭其國之無主後者如齊太公封于齊 氣化之氣否曰此氣只一般周禮所謂天神地示人鬼雖有三 于理而日生者則固浩然而無窮也故上蔡謂我之精神即祖 不當祭便是理合如此道理合如此便有此無如衛侯些康权 云相奪子享蓋衛侯都帝邓夏后相亦都帝邓則都其國自合 為縣之神

問鬼神之義來教云只是上蔡祖宗精神便是自家精神 道答人鬼神之問云要與賢說無何故聖人卻說有要與賢說 則可見其苗脈矣必大嘗讃太極圖義有云人物之始以氣化 有賢又來問某討說只說到這裏要人自看得孔子日未能事 要之通天地人只是這一 亦未筲亡也如今祭句芒他更是遠然旣合當祭他便有些氣 是此類不成說有子孫底方有感格之理便使其無子孫其领 左右虚空偏塞無非此理自要人看得活難以言曉也所以明 而生者也氣聚成形則形交氣感遂以形化而人物生生變化 馬能事鬼而今且去理會緊要道理少閒看得道理通時自 **- 蔡所說已是殺分曉了** 氣所以說洋洋然如在其上如在其 句

來格也然古人于祭祀必立之尸其義精甚蓋又是因祖考透 家精神蓋我之精神即祖考之精神在我者既集即是祖考之 旣純一而無所雜則此理自昭著而不可揜此其苗脈之較然 未曾亡也是其魂升魄降雖已化而無有然理之根于彼者旣 吾之此身即祖考之遗體租考之所具以為祖考者蓋于我而 个所謂氣者旣已化而無有矣則所謂理者抑于何而寓邪然 無窮是知人物在天地閒其生生不窮者固理也其聚而生散 無止息氣之具于我者復無閒斷吾能致精竭誠以求之此氣 **可椒者也上蒸云三日齊七日戒求諸陰陽上下只是要集自 向死者則氣也有是理則有是氣氣聚于此則其理亦命于此** () 疑聚 祖考之 魚魚與質合則其散者庶 幾復聚此 教之至 

底然以精神去合他又合得在問不交威時常在否日若不威 問鬼神恐有兩樣天地之閒一氣氤氲無非鬼神祭祀交威是 抵 也故日神不飲非類民不配非族日所喻鬼神之說甚精密上 論萬物之一原則理同而氣異觀萬物之異體則氣猶相近而 理絕不同或問理同而氣異此 以有感有人死為鬼祭祀交感是以有感無日是所以道天神 **向常有則是有餒鬼矣** 、鬼神便是氣之伸此是常在底鬼便是氣之屈此是已散了 |木雖枯毀無餘而氣之在此者猶自若也 人之氣傳于子孫猶木之氣傳于實也此實之傳不泯則其 梓材謹案此係集自文集答吳伯豊書 上で大七年を大り十 句是說方才付與萬物之初 たこ

寒媛敞饑飽好生惡死趨利避害人與物都一 故氣異下句是就萬物已得之後說以其雖有淸濁之|不同|而 以其天命流行只是一般故理同以其二五之氣有淸濁純駁 中庸是論其方付之初集註是看其已得之後日氣相近如知 那仁問所以婦人臨事多怕亦是氣偏了日婦人之仁只流從 蟻之君臣只是他義上有一 、少断制断制之人多殘忍蓋仁多便遮了那義義多便遮了 點子明大凡物事稟得 點子明其他更推不去恰似鏡子其他處都暗了中閒只 |五之氣故氣相近以其昏明開寒之甚遠故理絶不同 アラブピラオリ 一點子明虎狼之父子只是他仁上 過重便占了其他的如慈愛之 般理不同如蜂

**欣欣向榮有這生意皮包不住自进出來若枯枝老葉便學** 然燒甚麼木則是甚麼氣亦各不同這是理元如此且如大黃 悴蓋氣行已過也問此處見得仁意否日只看成賊之便彫悴 便枯悴不復悅澤亦似有知者當觀一般花樹朝日照曜之時 問枯槁之物亦有性是如何日枯槁之物謂之無生意則可謂 氣故能知植物雖不可言知然一 **亦是義底意思** 乙無生理則不可如朽木無所用止可付之變電是無生意矣 个皆天地和平之氣問動物有知植物無知何也日動物有血 :子亦是枯槁然大黄不可為附子附子不可為大黄一草 梓材謹秦樂洲原本此下有一條移入呂范諸儒學案監 田傳後 般生意亦可默見若戕賊之 む

是其氣不醇也有護厚忠信者其氣醇矣而所知未必皆達干 理則是其氣不淸也推此求之可見 相近但情是遇物而發路陌曲折恁地去底才是那會如此底 性者心之理情者心之動才便是那情之會恁地者情與才絕 而已今人有聰明事事聽者其氣清矣而所為未必皆中于理 **低心是管攝主宰者此心之所以為大也心譬水也性水之** 要之干 頭萬緒皆是從心上來 同如此則才與心之用相類日才是心之力是有氣力去做 物能食色有覺魂草木無知有生魂顏諦當 百家蓬素泰西人分人物三等人為萬物之首有靈魂動 | グニンピラブー | ` )

之不同伊川龍性東于天才東于氣是也 也性所以立乎水之靜情所以行乎水之動欲則水之流而至 動靜具偽善惡皆對而言之是世之所謂動靜眞偽善惡非性 問心是知覺性是理心典理如何得其通常一日不須去著當 于濫也才者水之氣力所以能流者然其流有急有緩則是才 有惡之先而性之善可見矣 **可見矣求眞于未始有偽之先面性之眞可見矣求善于未始 之所謂動靜 具偽善惡 也惟求静于未始有動之先而性之靜** (日天下之理無異道心天下之人無異性也性惟其不可見 |子始以善形之惟能自性||而觀則其故可求苟自善||而觀則 一両見二 

通本來貫通如何本來貫通日理無心則無著處 無了那人心相似只是要得道心純 知覺從君臣父子處便是道心 **有道理底人心便是道心** 偶欲食渴欲飲者人心也得飲食之正者道心也須是一 所見者心之 一少閒那人心自阵伏得不見了人心與道心爲一 |相關否日豈不相關自是心使他動口 | 梨洲 案語然與後間 下有發明心字日 **渚泉之重** 道心都發見在那人心 **竟是人之本心條心字** 言以被之至七 則生矣 一恰似 心只

心之理乃是形而上否日心比性則微有迹比氣則自然又靈 若形體之行動心都不知便是心不在行動都沒理會了說甚 問人心形而上下如何日如肺肝五臟之心卻是實有一物若 此心亦在不可謂非心 未發未發不是漠然全不省亦常醒在這裏不恁地困心無閒 哀樂未發之前形體亦有運動耳目亦有視聽此是心已發抑 問先生嘗言心不是這一塊義剛竊謂滿體皆心也此特其樞 **今學者所論操舍存亡之心則自是神明不測故五臟之心受** 于已發未發徹頭徹尾都是那處截做已發未發如放僻邪侈 未發日喜怒哀樂未發叉是一般然視聽言動亦是心向那裏 病則可用藥補之這箇心則非菖蒲茯苓所可補也問如此則 "民心里长长四十八

然至論太極自是太極陰陽自是陰陽惟性與心亦然所謂 心主宰之謂也動靜皆主宰非是靜時無所用及至動時方有 建陽縣知縣須常在衙裏始管得這一縣也義剛日然則程子 性猶太極也心猶陰陽也太極只在陰陽之中非能難陰陽也 舍不寕也凡五臟皆然心豈無運用須常在驅散之內譬如此 而二而也 如此若言心不可在腳上叉不可在手上只得在這些子上也 紐爾日不然此非心也乃心神明升降之舍人有病心者乃其 主宰也言主宰則混然體統自在其中心統攝性情非儷何與 言心要在腔子裏謂當在含之內而不當在舍之外邪臼不必

ー・クラギラターー

|物是情所以去愛那物是意情如舟車意如人去使那舟車 問意是心之運用處是發處日運用是發了問情亦是發處何 以別日情是性之發情是發出恁地意是主張要恁地如愛那 從日如日在午時在寅時制字之義由此志是心之所之一直 去底意又是志之經營往來底是那志底腳凡營為謀度往來 心之所之謂之志日之所之謂之時志字從之從心時字從之 未動而能動者理也未動而欲動者意也 皆意也所以横渠云志丞而意私 百家謹案意如好好色如惡惡臭見其直遂不可拚故日 誠若經營往來是好色有不好惡臭有不惡之意矣所患

善于寡欲雖有不存爲者寡矣存雖指理言然心自在其中操 性只是理情是流去運用處心之知覺卽所以具此理而行此 問知與思于人身最緊要日然二者也只是一事知如手相似 心性理拈著一箇則都貫串惟觀其所指處輕重如何養心莫 情者也具此理而覺其為是非者非心也此處分別只在毫釐 思是交這手去做事也思所以用夫知也 **之閒精以察之乃可見爾** 用故日欲誠其意者先致其知横渠志公而意私似未安 著之總是知不致故不誠耳不誠意謂不著實去正心上 不善而著善亦知人有不可欺故拚之又謂人能己欺放 不誠者謂其欺也欺則謂人不己知而可己欺也究之推 《宋元學朱卷四十入

失便是中 種其生之性乃仁也生之性便是愛之理 是性緣寢面有這愛之理所以發出來無不愛程子日心如穀 心之德是統言愛之理是就仁義禮智上分說如義便是宜之 公不可謂之仁但公而無私便是仁敬不可謂之中但敬而無 仁者愛之體愛者仁之用愛是箇動物事仁是簡靜物事理便 併了障塞便滔滔流去 理禮便是別之理智便是知之理但會得愛之理便理會得心 無私以問之則公公則仁譬如水若些子礙便成兩截須是打 之德又日愛雖是情愛之理是仁也仁者愛之理愛者仁之事 存此存雖指心言然理自在其中 /うこと ラタモーし Alled L

然迢達程子謂四德之元猶五常之仁偏言則一事專言則包 矣孔門之教說許多仁卻未曾有定說出蓋此理眞是難言若 地萬物同體若不會得便將天地萬物同體為仁卻轉無交涉 意推之不須外溫添入道理若于此處認得仁字卽不妨與天 說愛之理者則正為仁是未發之愛愛是已發之仁爾只以此 因舉天地萬物同體之意極問其理日須是近裏著身推究未 四者須是統看仁 是非亦是仁且款曲研究識盡全體正猶觀山 天地萬物事也須知所謂心之德者卽程先生所謂穀種之 **大抵于仁上 简定說便該括不盡且直于自家身分上** 八井万昌英帝四十八 如何卻包得數者又卻分看義禮智如何亦 見得盡須知發于剛果處亦是仁發于辭 一體究外之自

心都不會收拾得在裏面又日仁雖是有剛直意畢竟本是節 | 峯出來便是未會盡見全山到底無定據也 領直看成革若自家見他不盡初謂只是一顏及少時又見一 **蔼乎若春暘之温盎乎若醴酒之醇此是形容仁底意思** 以生字說仁生自是上 心應事接物雖不中不遠思慮紛擾于中都是不能存此心此 心不存合視處也不知視合聽處也不知聽或問莫在于教否 每年著精胂照管不可隨物流去須要緊緊守著若常存得此 或問存得此心便是仁日且要存得此心不為私欲所勝遇事 自體認得試自看一箇物堅硬如頹石成甚物事此便是不仁 日敬非別是一 一大元星教を四十八 事常唤醒此心便是人每日只鹘鹘突突過了 節事當求天地生我底意而今須要 

此人但見有是非節文斷制卻謂是仁之本意則非也春本溫 恩惠底心便發得易當刑殺時此心便疑可見仁屬陽屬剛義 用則慈柔義便有箇商量從宜之義然其用則沒裂尋常人施 和故能生物所以說仁為春 本動而其體則各止其所 太極之動言之則仁為剛而義為柔自一物中陰陽言之則仁 万成仁之事及至事定三者各退仁仍舊溫和綠是他本性如 一用柔義之用剛日也是如此仁便有箇流動發越之義然其 生答权重疑問日仁體剛而用柔義體柔而用剛廣請日自 和之物但出來發用時有許多般須得是非辭遜斷制 義互為體用動靜仁之體本靜而其用則流行不窮義之體 

アシブルフター

**養之嚴賄卽是仁底收斂** 意思自是屬陰順不知智如何解日智更是截然更是收斂如 通晓者多刻剝 故爲全體日然問肅殺之氣亦只是生氣日不是二物只是收 問仁是天地之生氣義禮智又于其中分別然其初只是生氣 知得是知得非知得便了更無作用不似仁義禮三者有作用 禮者仁之發智者衰之藏且以人之資質言之溫厚者多謙遜 智只是知得了便交付恻隐羞惡辭遜三者他那箇更收斂得 屬陰屬柔直卿云只將收斂二字看便見喜則舒怒則斂 仁禮屬陽屬健義智屬陰屬順問義則截然有定分有收斂底 一大元氏を金り上し THE PERSON NAMED IN COLUMN TWO IS NOT THE PERSON NAMED IN COLUMN TWO IS NA

是智只如此看甚分明 熱時便是禮晚下漸涼便是義衣半全然收斂無些形迹時便 相悖喚做一 以未仁者只是中心未有此氣象問向聞先生語吾學者五行 私欲盡去便純是温和沖粹之氣乃天地生物之心其餘人所 天理之渾然既謂之理則便是箇有條理底名字故其中所謂 **敛春夏秋冬亦只是一氣又日若曉得此理便見得克己復禮** 又日仁字如人釀酒酒方微發時便是義到得成酒後卻只與 目相灌注如人五臟固不曾有先後但其權時自有次序久之 不是相生合下有時都有如何曰此難說然會得底便自然不 般便是智又如一日之閒早閒天氣清明便是仁午閒極 1. プラブピラスド・アノニュ **齊有也得喚做相生也得便雖不是相生他氣亦** NIG.

始備言之者蓋孔子時性善之理素明雖不詳者其條而說自 別而仁義禮智卻是後來旋次生出四件有形有狀之物也須 子入井之事咸則仁之理便應而惻隱之心于是乎形如過朝 **具至孟子時異端繼起往往以性爲不善孟子思有以明之于** 領之大者有四故命之日仁義體智孔門未嘗備言至孟子而 性是太極渾然之體本不可以名字言但其中含具萬理而稱 **知天理只是仁義禮智之總名仁義禮智便是天理之件數** 仁義禮智囚者合下便各有一箇道理不相混雜以其未發莫 見端緒不可以一理名是以謂之渾然非是渾然裏面都無分 是别而言之蓋四端之未發也雖寂然不動而其中自有條理 自有開架不是能侗都無一物所以外邊稅威中閒便應如赤 リージンというないのです。 NATE OF THE PARTY OF THE PARTY

一端于外由其有是端于外所以必知其有是理于内而不可誣 也故孟子言乃若其情則可以爲著矣乃所謂善也是則孟子 過廟之事感則禮之理便應而恭敬之心于是乎形蓋由其中 謂渾然全體無聲臭之可言無形象之可見何以知共燦然有 之中而燦然有條若此期性之善可知矣然四端之未發也所 有面貌之不同是以孟子析而爲四以示學者使知渾然全體 眾理渾具各各分明故外造所過隨威而應所以四端之發各 由其是非所以必知其有智使其本無是理于內則何以有是 有仁由共羞惡所以必知其有義由其恭被所以必知其有禮 條如此蓋是理之可驗乃依然就他發處驗得凡物必有本根 之理雖無形而端的之發最可驗故由其惻隱所以必知其 

**形象力所可撮可摩也但于渾然一理之中識得箇意思情狀 个人卻為不會曉得自家道理只見得他說得熟故如此不能** 韓子設所以爲性者五而今之言性者皆雜佛老而言之所以 之言性善蓋亦溯其情而逆知之爾 問皆是錯看了也須知性之爲體不離此四者而四者又非有 無疑又纔見說四者為性之體便疑實有此四塊之物係塊其 **生此四者川來不然亦說性是一箇虚空底物裏面包得四者** 只是仁義禮智之實如光佛之言則先有箇虚空底性後方旋 **有界限而實非有糖壁遮攔分別處也然此處極難言故孟子** 不能不異在諸子中最為近理蓋如吾儒之言則性之本體便 存材產業此係無自文集答陳器之書其全篇載不懂學

**書不記熟演可記義不精細思可精惟有志不立直是無著力** 亦只于發處言之如言四端又言乃若其情則可以爲善之類 處只如而今負利祿而不負道義要作貴人而不要作好人皆 是他用處如耳聽目視自然如此理也開眼看物著耳聽聲便 著誠則都在誠上言著忠恕則都在忠恕上言者忠信則都在 是用江四人說箇虚空底體涉事物便喚做用 仁只是 是以發處教人識取不是本體中:元來有此如何用處發得此 思信上只為只是這箇道理自然血脈貫通體是這箇道理用 物出來但體無著莫處故只可用處看便省力兩 梓材謹案此係錄自文集答林德久書 **箇理理舉著便無欠缺但如言著仁則都在仁上言** 一大大學案卷四十八

得來意思已不如初了 學者須是熟熟時一喚便在目前不熟時須著旋思索到思索 學者只是不為己故日閒此心安頓在義理上時少安頓在閒 實語方始立得此志就此積累工夫迤邐向上去大有事在 是志不立之病直須反復思量究見病痛起處的猛奮躍不復 許多零碎口是這 事上時多千義理卻生于別事卻熟 **直須抖撒精神真要昏鈍如救火治病然豈可悠悠崴月** 作此等人 學問須是大進一 样材謹案此條係自文集追删精合又輸學者 躍躍出見得聖賢所說千言萬語都無 / 100 in a 1,71 in all all \_ \_ \_ 番方始有盆若能于 一箇道理方是快话然零碎底非是不當理 處大處攻得被見那 事不是

會但大處攻不破縱零碎理會得些少終不快活會點搽雕開 或問氣質之偏如何救得日凝說偏了又著一箇物事去救他 **游智巧者易直荷未如此轉變要是未得力商須要公平觀理** 變移不自知不消得費力 心力只是摸索不見若見得大底道理分明有病痛處也自會 偏處自見得如暗室求物把火來便照見若只管去摸索質盡 偏越見不平正了越討頭不見要緊只是看教大底道理分明 天理人欲義利公私善惡之辨莫不皆通 **巳見大意只綠他大處看得分曉今且道他那大底是甚物事** 為學必須于平日氣稟麥質上驗之如滯固者疏通顏愿者坦 天下只有一箇道埋學只要理會得這一箇道理這裏纔通則 (朱)九學來卷四十八

處理有 過只是苟免斯然尤悔而已似此皆不足道也 也 為學當以存主為先而致知力行亦不可以偏廢縱使己有 **萬事須臾變滅皆不足置胸中惟有窮理修身為究竟法爾 今學者之病所患在于未有灑然冰解凍釋處縱有力持守不** 精祭而不安于小成此病痛皆所染共點檢者兩 而撤戶騙之小嚴敬持身而戒防範之踰周密而非發于避就 **長未可遂特以輕彼而長其騎否克伐之私況其有無之實** 理義無窮才知有限非全放下終難湊泊然放下正白非易事 、與理為 分心向裹得一分力有兩分心向裹得兩分力世別 是恰好其他以心處道理卻是未熟要將此心

其他用功總閒漫須先就自心上立得定決不雜則自然光明 道人又云不解即心是佛真是騎驢兒驢 **拙法而別求妙解** 四達照用有餘凡謂是非善惡亦不難辨況天理人欲決不兩 是騎驢兌퇠一是騎驢不肯下此病皆是難醫若解下方喚作 知得如此是病卻便不如此是來若更問何由得如此則是時 便是能去之藥但當堅守常自警覺不可妄意推求必欲舍此 初未可定乎凡日用閒知此一病而欲去之則即此欲去之心 **医觉赋只是**一 人要只在求放心此心泛濫無所收拾將甚處做管轄處 外朱万學來為四十八 場問話矣騎驢覓驢傅燈錄云參禪有二病 |行方見人欲悄盡義之與利不待分辨| o,

運疑則又非也仍須勤勤把將做事不可俄與放寬日日時時 是底便是天理非底便是逆天理常常恁地收拾得這心在便 未發之中便是渾然天理事物之來隨其是非便自見得分曉 **令寬縱逐物安有不得其正者若真簡提得緊雖半月見驗可** 過事而發合道理處便與果決行去勿顧慮若臨事見義方便 顯著方謂之利此心須令純純只在一處不可令有外事多雜 明至若所謂利者凡有分毫求自利便處皆是便與克去不待 今于日用間空間時收得此心在這裏截然這便是喜怒 哀樂 如此便須見敏人之精神習久自成大凡人心若勤緊收拾莫 卯執權衡以度物人若要洗刷舊習都淨了卻去理會此道理 一大元シャない日十八

**欲存心则不免将** 以被為主則內外漸然不忘不助而心自存不知以敬為心面 問静中常用涵養日說得有病」 且去剪截那泞泛底思愿學者常用提省此心使如日之升則 **炳况未必真能把捉得住乎** 已有三頭兩緒不勝其擾也就使實能把捉得住只此已是大 便了不要苦著力則反不是 便去躬理 季那自总他本是光明廣大自家則著些子力去提省照管他 無是理只是收放心把持在這裏便須有簡眞心發見從此 シャン・イン・オンフー・・ノ 一箇心把捉一節心外面未有一 動 静無時不養學者了 事時裏面

緊不要隨他去這箇須是自家理會若說把持不得勝他不去 雖是難亦是自著力把持常惺惺不要放倒覺得物欲來便者 憂懼四者皆足以動心問心不能自把捉否曰自是如此蓋心 物及問思慮引將去孟子牛山之木一章最要看操之則存全 問學者于已發處用功此卻不枉費心日存養于未發之前則 便能把捉自家自家卻如何把捉得他惟有以義理涵養爾 是自壞了更說甚爲仁由己而由人乎哉又日把心不定喜怒 之則亡或又謂把持不能人勝物欲不去日這箇不干別人 功矣不必待已發然後用功也問酒養于未發之初令不善之 可求中于未發之前則不可然則求發之前固有平日存養之 八心紛擾時難把持日眞箇是難把持不能得久又被事 さいたことにすい

問心思接擾日程先生日嚴威整肅則心便 退之說日此亦不難只要明得 惟 念全消則易為力若發後則難制日聖賢之論正要就發處 得是菩從而乐養自然不肯走在惡上去 根亦須合 乙干只絕整頓起處便是天理別無天理但常常整頓處思慮 固當涌養不成發後便都不管或云這處最難因畢橫渠戰 之後又不舍其持養之功方始守得藍初不曾外來只持養 子思說喜怒哀樂未發之謂中孔子教人多從發處說未發 此心此性人皆有之所以不識者物欲昏之爾欲識此本 下且識得箇持養工夫次第而加功馬方始見得見 ○ 朱万學著希四十月 一相發爾 箇善惡每日遇事須體認見 則自無匪僻 制

退之理凡人不進便退也譬如劉項相拒于滎陽成皐閒彼進 過得這 底念庫相積不断難為驅除 人心中大段惡念卻易制伏最是那不大段計利害乍往乍來 **也便是天理裏面做出來雖是人欲人欲中自有天理問莫不** 生底人只箇天理人欲此勝則彼退彼勝則此退無中立不進 是本來全是天理否日人生都是天理人欲都是後來沒把鼻 不恰好便有人欲出來天理人欲分數有多少天理本多人欲 有筒天理便有箇人欲蓋緣這箇天理有箇安頓處才安頓得 固有終身為善而自欺者不特外面有心中欲為善而常有 不肯底意思便是自欺也須是打疊得盡蓋意誠而后心正 關役方可進 人宋元學案卷四十八

心便看天理人欲之消長何如爾以至干載之前干載之後與 時勝時甚氣象人只是此一心今日是明日非不是將不是底 定腳與他捱捱到 問五峯所謂天理人欲同行異情莫非這裏要分別否見 渾為人欲旣知學問天理自然發見而人欲漸漸消去者 是學又日天理人欲此長彼必短此短彼必長未知學問此心 天地相為終始只此一 換了是底今日不好明日好不是將好底換了不好底只此 好矣然克得 步則此退 層又有 步此進 毫去則逐旋捱將去此心莫退終須有勝 一心學者須是革盡人欲復盡天理方始 層大者固不可有而織微者九要密 步則被退 步初學者只要牢

中零星还時出來但只于這箇道理發見處當下認取打合零 義而已矣說得名義儘分曉畢竟無與我事須就自家身上實 治私欲而不能尤長善端則吾心與所謂私欲者日相國敵縱 異情只如渴飲饑食等事在聖賢無非天理在小人無非人欲 向之所謂私欲者自然消磨退散久之不復萌動矣若專務克 星漸成片段到得自家好底意思日長月益則天理自然純固 無時不是私意中發出但人不自覺正如明珠大貝混雜砂礫 見得私欲錮蔽時如何天理發見時如何其閒正有好用丁 **爆蓋天理在人亙古个而不泯嶞甚如何被錮而天理常自若** 時安伏得下又當復作矣初不道隔去私欲後別零 謂同行異情者如此此事若不會季著本領只是說得他名 

也日父母愛其子正也愛之無窮而必欲其如此則邪矣此天 問父母之于子有無窮憐愛欲其聰明欲其成立此之謂誠心 一檗生爲旣日旦畫梏亡又日夜氣所存如說求放心心旣放了 是去這些子存只是存得這些子學者所當深察也 孟子曰人之所以異于禽獸者幾希庶民去之君子存之去只 悔處便是天理孟子說牛山之木旣曰若此其濯濯也又日萌 為是如此為非便從是處行將去誤了一事必須知悔只這知 用者多是善底道理只要人自識得雖至惡人亦只患他頑然 如何又非得只爲這些道理根于一性者渾然至善故發于日 理主執而行才如是又只是自家私意只如一件事見得如此 不知省悟岩心裏稍知不穩便從這裏改過亦豈不可做好人 大元豊家衆国十八 //www.

著大抵學問須是警省今說求放心吾輩卻要得此心主宰得 泯滅處雖在而終不能光明正大如其本然古人膂史誦詩之 懶隱蓋惡是非解讓發見處只是不省察若于日用閒誠省察 要知天之與我者只如孟子說無惻隱之心非人也無羞惡之 道亦此心也修道之謂教亦此心也以至于致中和實化育亦 定方賴此做事業如中庸說天命之謂性即此心也率性之謂 只為從前不省察了此端纔見又被物欲汨了所以秉彝不可 此四端者分明莊攢出來就此便操存酒養將去便是下手處 理人欲之閒正當決審 類是規戒警悔之意有時不然便被他恁地診自是使人住不 心非人也無是非之心非人也無解讓之心非人也今人非無

蔽若能常自省察警覺則高明廣大者常自若非有所損益之 萬語只是欲人將已放之心收拾入身來自能尋向上去今且 只此心也致知即心致也格物即心格也克已即心克也非禮 欲隔塞故其廣大有虧本是高明但為物欲係累故于高明有 勿視聽言動勿與不勿只爭毫髮地爾所以明道說聖賢干言 甚易而不難也文字講說得行而意味未深者正要本原上加 時坐時讀書時應事接物時皆有著力處大抵只要見得收之 也其道問學盡精微道中庸等工夫皆自此做儘有商量也若 庸所謂尊德性致廣大極高明蓋此心本自如此廣大但爲物 須就心上做得主定方驗得聖賢之言有歸著自然有契如中 此心上工夫則不待商量睹當卽今見得如此則更無閒時行 朱元學案卷四十八 

謂收只是喚醒心不專靜純一 功須是持敬以靜爲主 哉此語的當更看有何病痛知有此病必去其病此便是療之 **知有此身人昏昧不知有此心便如人困睡不知有此身人** 向自熟但是著實自做工夫不干別人事爲仁由己 勿便須深 放縱矣心只是一箇心非是以一 心便在這裏覺者工夫只在喚醒上 藥如覺言語多便用簡默意思疏閱更加細密覺得輕浮沒 睡得人喚覺則此身自在心亦如此方其昏蔽得人 是喚醒否日放縱只為昏昧之故能喚醒則自不昏味則 沈厚重程先生所謂嬌輕警惰蓋如此人有此心便 一此意須要于不 故思慮不精明便要養此心令 簡心治 一問人放縱時自去收斂 简心所謂 而由人平 八警覺則 雖

虚 |不能除此九害事某向來亦是如此 動此卻易見易除卻怕于近似問底事爆起來纏繞思念 此點檢則自見矣李先生嘗云人之念盧若是于顯然過惡 說中載粒公以黑白豆記善惡念之起此是古人做主夫處 几人之心不存則亡而無不存不亡之時故一 否日自去點檢且一 明專靜使道理從裏面流出便好問何以能如此莫只在靜 不知如何日道 (力則渝亡而不自覺天下之事)不是則非而無不是不 事之後不加精察之功則陷 足履須還是都覺得始得看來不是處都是心了 《宋元學案卷四十八 理固是如此然初學亦能便如此也 日問試看此幾箇時在內幾箇時在外 **表** 于惡而不自 息之頃不加 **知近** 

敬齋箴中云擇地面蹈折旋蟻封遂如行步時要步步覺得他 問立則見其參于前在與則見其倚于衡只是熟後自然見得 者心常安其不正者心常不安然義理不足以勝私欲之心心 得且如事父母方在那奉養時又自者注腳解說道這箇是孝 移動要之無此道理只是常常提撕日這病痛須一 否也日也只是隨處見得那忠信篤敬是合當如此又問近見 在後錯過了日須是見得他合當是恁地 閒安者卻容忍不安者卻依舊被私欲牽將去及至事過又卻 如事長方在那順承時又自著注腳解說道這箇是弟便是面 箇是當然日是如此或日每常處事或思慮之發覺得發之正 **箇了問只是如事父母當勞苦有倦心之際卻須自省覺說這** Water the second and a term 一識得方

常常照管得分明方得 問題是人之本心不容泯沒放乘問發見之時直是昭著 悔 所思以處人者||有不盡則非忠矣此雖于本文說得來太過 便自懷 物時也常剔抉此心敘他分明少閒接事便不至于流上蔡解 事時方流入于私欲只那未接物時此心已自流了須是未接 卻如此今人未到為人謀時方不忠只平居靜慮問思念時 人謀而不忠云為人謀而忠非特臨事而謀至于平居靜慮 孔子日志士仁人無求生以害仁有殺身以成仁求生如何 悔時依舊是本心發處否日然只那安不安處便是本心之 1 殺身如何便成仁只是箇安與不安而已又日不待接 一箇利便于己將不好處推與人之心矣須自于此處

大朱元學來卷四十八

然為問而受命凡此恐皆是覺處若素未有覺之前但以為己 言人乍見孺子將入井皆有怵惕惻隱之心或求文字而怡然 其真心竊恐謂此然此恐亦隨在而有蓋此心或昭著燕閒靜 心路已開亦自有可進步處與夫茫然未識旨趣者大不侔矣 之體迷溺于卑污芍賤之中此所以汲汲求明益不能已而其 始識其所以爲心者旣嘗識之則恐不肯甘心以其處靈不味 物雜于此而自識則本心之體即得其眞矣上蔡謂人須自識 或索之講論而恍然有悟如夷子聞孟子極論一本之說遂憔 有是心而求以存之恐昏隔在此不知實為何为必至楚時方 有得如程伊川先生所謂有讀論語了後其中得一兩句喜者 之時如孟子言平旦之氣或發見于事物感動之際如孟子 是三

故某首竊疑覺為大學小學相承之機不知是否日所論甚精 倒斷始得頃之復日動時靜便在這裏動時也有靜順理而應 交朋友撫妻子御童僕不成捐棄了只閉門靜坐事物之來且 夫个雖說主靜然亦非棄物事以求靜旣為人自然用事君親 但覺似少渾厚之意心字一言以蔽之日生而已天地之大德 不順理而應則雖塊然不亥于物以求靜心亦不能得靜惟動 則雖動亦靜也故日知止而后有定定而后能靜事物之來若 「候我存養又不可只茫茫隨他事物中走二者須有箇思量 「生人受天地之氣而生故此心必仁仁則生矣 之問存養多用靜否日不必然孔子卻都就用處敎人做了 梓村蓮案此下有與劉平甫書一條移入劉胡請備學案 分作兩條 フィン・フード コライブー

静時雖欲求静亦不可得而靜靜亦動也動靜如船之在水鄉 頭下船雖然動靜無端亦無截然為動為靜之理如人之氣吸 斷靜時固靜動時心亦不動動亦靜也若無工 時能順理則無事時能靜靜時能存則動時得力須是動時也 先于致知是知在先叉日未有致知而不在敬者則敬也在先 則靜噓則動又問答之際答則動也止則靜矣凡事皆然且如 酒養致知亦何所始但學者須是截從一處做去程子謂學莫 做工夫靜時也做工夫兩莫相靠使工夫無閒斷始得若無閒 從此推去只管恁地 |則動潮退則止有事則動無事則静靜如潮頭高船也高潮 桦材謹奏此下有李伯誠條移入追洲諸儒學案" / ころことをおりし **|夫則動時固動** 2

或問而今看道理不出只是心不虚靜否日也是不曾去看會 問伯羽如何用功日且學靜坐痛抑思慮日痛抑也不得只是 看底就看自虚靜這箇互相發 静中動起念時動中静是物各付物 但要無邪思爾問某葬常覺得資質昏愚但持敬則此心虛靜 放退可也若全閉眼而坐卻有思慮矣又言也不可全無思慮 者尚非枯木死灰之謂而所謂必有事者亦豈求中之謂哉。 覺得好若敬心稍不存則裏面固是昏雜而發于事亦兀突所 主敬存養雖說必有事爲然未有思慮作爲亦靜而已所謂靜 專于被而無失上用功日這裏未消說敬與不敬在蓋敬具 梓材謹案此條録自文集答何权京書 ノクラ西はえてリーノ b ľ

**拘迫他須自有寕息時叉日要靜便是先獲便是助長便是正** 得這物事如未識這物事則所謂虛靜亦是黑底虛靜不是白 自不妨只是既要靜坐則不可理會得道理明透自然是靜今 不静日程子謂心自是活底物事如何窒定教他不思只是不 通曉也問每日暇時畧靜坐以養心但覺意自然粉起要靜越 窗玲瓏無不融通不然則守定那裏底虚靜終身黑淬地莫之 座虚静而今須是要打破那黑底虛靜換做箇白底虛靜則八 或問延平先生靜坐之說如何日這事難說靜坐便理會道理 可胡亂思才著箇要靜底意思便添了多少思慮且不要恁地 一是一二是二便是虚靜也要識得這物事不虛靜也要識 一節事而今把來夾雜說則鹘突了愈難理會且只要識得 THE STATE OF THE STATE OF

道理旣出則心愈明靜矣 **單有**欲澄治思慮者于坐處置兩器每起一善念則投一 時便自省覺不要行久久純熟亦自然不要行而坐得定矣前 自然無此等思慮矣譬如人坐不定者兩腳常要行但變要行 問人之思慮有正有邪若是大段邪僻之思都容易制惟是許 須是靜方看得出所謂靜坐只是打疊心下無事則道理始出 是覺得不當思量底則莫要思量便從覺下做工夫久久純熟 人都是討辭坐以省事則不可蓋心下熱鬧如何看得道理出 多頭無端頭面不緊要底思慮不知何以制之日此亦無他只 豆少後來白豆多黑豆少到後來遂不復有黑豆最後則雖白 豆于器中每起一惡念則投一粒黑豆于器中初時黑豆多白 外、井戸学業角は一人 等》 一粒白

這箇心學者但當就意見上分眞妄存其眞者去其妄者而已 **剥落消隕去何必橫生一念要得別等一捷徑盡去了意見然** 味見得義理分曉則漸漸覺得此重彼輕久久不知不覺自然 作詩之屬初時念念要做更過禁不得若能將聖賢言語來玩 **發能如此此皆是不耐煩去修治他一箇身心了作此見解譬** 去那般不正底思慮何難之有又如人喜做不要緊事如寫字 豆亦無之矣然此只是箇死法若更加以讀書窮理底工夫則 處因舉中庸日喜怒哀樂未發謂之中發而皆中節謂之和中 若不問眞妄整欲除之所以游游蕩蕩虛度光陰都無下工夫 去鑽道鑽得這裏透時便可以超躐將去个欲去意見者皆是 如人做官則當致誠去做職業卻不耐煩去做須要專簡倖門

育屬只如喜怒哀樂也皆人之所不能無者如何要去得只是 也者天下之大本和也者天下之達道致中和天地位爲萬物 者非但自在中而已纔有些子偏倚便不可須是常在那中心 成于樂聖人做出這一件物事來使學者聞之自然歡喜情願 者正未免為意見也聖人教人如一條大路平平正正自此直 所謂致和如孟子論平旦之氣與充廣其仁義之心是也今卻 怪只是私意剝落淨靈純是天理融明爾又日與于詩立于禮 去可以到聖賢地位只是要人做得敬做得徹時也不大驚小 不耐煩去做這樣工夫只管要捷徑去意見只恐所謂去意見 要發而中節爾所謂致中如孟子之求放心與存心養性是也 上這一條路去四方八面攛掇他去遧路上行又日所謂致中 一、宋元學案卷四十八---平江

|當須是正當紅心之中乃為中也輔廣||云此非常存戒謹恐懼 理未能理會得盡如何便要理會變聖贤說話許多道理平鋪 或問先生入事之煩日大凡事只得耐煩做將去方起脈心便 底工夫不可日固是只是箇戒謹恐懼便是工夫又日博我以 在那裏且要問著心胸平去看通透後自能應變不是梗捉定 則博文底工夫愈明博文工夫 至則約禮底工夫愈密 文約我以禮聖門教人只此兩事須是互相發明約禮工夫深 或問理會應變處日今且當理會常未要理會變常底許多道 --字上立方是致中譬如射雖射中紅心然在紅心盜側亦禾 物便要討常便要討變今也須如僧家行腳接四方之賢一 できられるがリーし 

升降文章品節之繁豈有妙道精養在只是也要理會理會得 |蓋這道理無所不該無所不在且如禮樂射御書數許多周旋 察四方之事情覺山川之形勢觀古今與亡治亂得失之迹這 制度便有國家當自家做只是古聖賢許多規模大體也要識 道理方見得周徧士而懷居不足以爲士矣不是塊然守定這 極至于天人之際以人事則有八政以天時則有五紀稽之于 底聖賢亦無不通變底聖賢亦無關門獨坐底聖賢聖賢無所 物事在一室閉戶獨坐便了便可以為聖賢自古無不曉事情 卜筮驗之于庶徴無所不備如周禮 **小通無所不能那箇事理會不得如中庸天下國家有九經便** 理會許多物事如武王訪箕子陳洪範自身之貌言視聽思 部書載周公許多經國

アオラ母子をレーフ

**處赤曉得而大要處已被自家見了今只就一線上窺見天理 恢洽通透若只守箇些子捉定在這裏把許多都做閒事便都** 都一、理會雖未能洞究其精微然也要議銜規模大概道理方 非生而知之者好古做以求之者也文武之道布在方策在人 無事了如此只理會得門內事門外事便了不得所以聖賢教 有聖人雖是生知然也事事理會過無一之不講這道理不是 (者識 其大者不賢者識其小者夫子爲不學而亦何常師之 (要博約須是博學之審問之惧思之明辨之篤行之子曰我 件上理會去凡事雖未理會得詳密亦有箇大要處縱詳密 **《追理便在面上叉如律歷刑法天文地理軍旅官職之類** 一件事上理會見得便了學時無所不學理會時卻是逐 いろこうきょうしょう 

道理無差失此固是好然出應天下事應這事得時應那事又 定這些子便了也不得如今只道是持敬收拾人心日用要合 只恁地了便要去通那萬事不知如何通得萃百物然後觀化 吾友于己分上已自見得若不說與公又可惜了他人于已分 又設多事多事都合講過他人未做工夫底亦不敢向他說如 不得學之大本中庸大學已說盡了大學首說格物致知為甚 上不管見得泛而觀萬事固是不得而今已有箇本領卻只捉 朋友朋友之中事已殺多及身有一官君臣之分便定這裏面 **上之神聚衆材然後知作室之用于一事一義上欲窺見聖** 用心非上智不能也須開心胸去理會天理大所包得亦大 |如五常之教自家||而言以有简父子兄弟夫婦才出外便有 アオブ母茶をリイア / 量 /

心而已所謂求放心者非是別去求箇心存著只纔覺放心便 多散緩之時少便是長進處故孟子說學問之道無他求其放 著處都不是自家物事工夫到時纔主一便覺意思好卓然精 學者須是主一上做工夫若無主一工夫則所講底義理無安 神不然便散漫消索了沒意思做工夫只自腳了便做將去固 心正身修推而至于家齊國治天下平自然滔滔去都無障礙 景舊時亦要無所不學禪道文章雙辭詩兵法事事妻學一日 要格物致知便是要無所不格無所不知物格知至方能意誠 不免有散發時但機變便收敛將來漸漸做去但得收斂時節 忽思之日且慢我只一箇渾身如何兼得許多自此逐時去了 梓材謹案此下有一條移入南軒學案 

**所謂明明德書日人心惟危道心惟微惟精惟一允執厥中聖** 等類皆是敬之目到程子始關聚說出一箇敬來教人然敬有 理 甚物只如畏字相似不是塊然兀坐耳無聞目無見全不省事 概覺便在這裏難犬放猾有求不得時自家心則無求不得之 在此孟子又日難犬放則知求之心放則不知求某當謂雞犬 聖人言語當初未曾關聚如說出門如見大賓使民如承大祭 孔子之所謂克己復禮中庸所謂致中和尊德性道問學大學 **殖在外面纔放了須去外面捉將來若是自家心更不用別求** 調只收斂身心整齊純一不恁地放縱便是敬 精切八十六字移入横渠學案 粹材謹集此條末有因言橫渠設做工夫至說得來大段

人千言萬語只是教人存天理城人欲人性本明如實珠沈退 抵敵常常存箇敬在這裏則人欲自然來不得夫子日為仁由 程先生說敬字只謂我自有一箇明底物事在這裏把箇敬字 欲被了便是明處只是這上便緊緊著力主定一面格物今日 聽言動出門如見大賓使民如承大祭言忠信行篤敬這是 格物致知正心誠意至程先生又專一發明一箇數字若又恁 剛當說話到孟子又卻說求放心存心養性大學則又有所謂 墨賢言語大約似乎不同然未始不貫只如夫子言非禮勿視 亡而由人乎哉緊要處正在這裏 小中明不可見去了溷水則實珠依舊自明自家若知得是人 物明日格一物正如游兵攻圍拔守人欲自銷鍊去所以

一で、これをとれる

地看似乎參錯不齊干頭萬緒其實只一 處行來便入得但恐不下工夫爾 因歎敬字工夫之妙聖賢之所以成始成終者皆由此故日修 己以敬下面安人安百姓皆由于此只綠子路問不覺故聖人 說敬字時只是敬親敬君敬長方著箇敬字全不成說話聖人 程子說得如此親切了近世程沙隨猶非之以為聖賢無單獨 復以此答之只是箇修己以敬則其事皆了或日自泰漢以來 天則餘者皆兼攝在襄聖賢之道如一室然雖門戶不同自一 字閒紙覺得異實下功則真通之理始見日然只就一處下字 商儒皆不識這敬字直至程子方說得親切學者知所用力口 >三以敬日敬而無失日聖敬日婚何嘗不單獨說來若說 . . 理道夫日泛泛于文

此心上見得分明自然有得爾然个之言敬者乃皆裝點外車 敬不是萬應休置之謂只是隨事專一謹畏不放逸爾非專是 一一字學者若能實用其力則雖程子兩言之訓猶爲脫語 断嚴整之時多膠膠擬擬之時少方好 有君有親有長時,敬則無君無親無長之時將不敬乎 如其不然則言愈多心愈雜而所以病夫敬者益深矣當使截 **幾執捉得定有箇下手處縱不得亦不至失要之皆只要人于** 何便得無欲故伊川只說箇敬字教人只就這敬字上捱去庶 **凤先生只說一者無欲也然這話頭高卒急難凑泊尋常人如** 日前坐耳無聞目無見不接事物然後為敬整齊收斂這自 一不敢放縱便是敬當謂敬字似甚字卻似箇畏字 不元學案卷四十八 在

熟處卻不曾下得種子如何會熟 聖賢教人多說下學事少說上達事說下學工夫要多也好但 須是種下種子便去耘耡灌溉然後到那熟處而今只想像那 云但是自然更無玩索旣是自然便卻無可理會了譬如耕田 問下學與上達固相對是兩事然下學卻當大段多著工夫日 處有功則尤省力也但此事甚易只如此提醒其合昏昧一一 **敬即是此心自做主率處 天理會下學只理會上達即都無事可做恐孤單枯燥程先生** 日便可見效且易而省力只在念不念之閒爾何難而不爲 不知直截于心上求功遂覺累墜不使活不若眼下于求放心 (理會下學又局促了須事事理會過來也要知箇貫通處不 MANUAL DEVINE TO A STATE OF THE PERSON OF TH

是認道道理常常恁地把捉去不成便恁地驚恐學問只是要 就那疏處飲向密又就那密處展放開若只拘要那縝密處又 湊得者日也是如此理只在事物之中做工夫須是密然亦須 問為學道理日用開做工夫所以要步步縝密者蓋綠天理流 行日用之閒干頭萬緒無所不在故不容有所欠飲便于天理 行有時而不戒護恐懼則天理有時而不流行此語如何日不 是如此便做將去或云無時|不戒護恐懼則天理無時而|不流 四個字重便作臨事驚恐看了如臨深淵如履薄冰會子也只 如此也不得然也不須將戒護恐懼說得太重不是恁地驚恐 **邻局促了問放開樣子如何日亦只是見得天理是如此人欲** 人是常常提撕認得這物事常常存得不失个人只見他說此 では心臓を含用して ATT.

**蓮更當于事事物物試驗學力若有窒礙齟齬即深求病源所** 招咈取怒之患矣體察之人則理漸明理明則諷導詳款聽之 持養之人則氣漸和氣和則温裕婉順望之者意消忿解而無 體之以身揆之以時則無偏蔽之失也持養祭識之功要當並 說我是從容中道不要去戒邁恐懼那工夫亦自未皆得息 在而鋤去之 境界存與不存而已嘗謂人無有極則處便是堯舜尚孔不成 如此賢人所以異于聖人眾人所以異于賢人亦只爭這些子 不勉而中不思而得從容中道亦只是此心常存理常明故能 此心常存若不用戒護恐懼而此理常流通者惟天地與聖人 **有心喻處移而無起爭見卻之患矣更須參觀物理深察人情** 

リア・フラビュライー・ノ

教過當此便是養氣之道也 先生夜氣之所存者良知也良能也諸家解註惟此說為當 問夜氣平旦之氣曰這一段其所以主卻在心熹嘗謂只有程 問持其志無異其氣古人在車開騰和行則有佩玉凡此皆所 **叉笑語做力所不及底事皆是暴其氣令學者須事事節約莫 以無桑其氣今八旣無此不知何如而爲無暴日此八多動作** 黎州師說日平旦之氣即是良心才是良心發見于此氣也 太虛何處不是生意然不落土則生機散漫無所收拾佛 氣似落于迹象不知此卽流行之命也知此卽為知命猶之 叉日孟子育良心何不指其降衷之體言之而形容平旦之 虚無爲體正坐不知命 THE A THE AREA AS AS A THE A 245

學者須是培養今不做培養工夫如何窮得理程子言動容貌 書只任一己私見有似箇梯稗今若不做培養工夫便是五穀 楊敬仲輩持守得亦好若肯去窮理須窮得分明然他不肯讀 **整思慮則自生敬敬只是主一也存此則自然天理明又日整** 兩途說靜坐時與讀書時工夫迥然不同當靜坐涵養時正要 如他人不讀書是不肯去窮理又無持敬工夫從陸子靜學如 理自然明令不曾做得此工夫胸中廖摄駁雜如何窮得理 人也有靜坐無思念底時節也有思量道理底時節豈可畫爲 **小熟又不如稀稗也 「嚴肅則心便一** 梓材蕴深此下有洪慶將歸一僚移入滄洲隋儒學來 お万事芸者以十八 一則自無匪僻之干此意但涵養久之則天

以差 忠不敬底心个人之病正在其靜坐讀書時二者工夫不一所 敬立則見其參手前在與則見其倚于衡只是見這忠信篤敬 體察思釋道理只此便是涵養不是說喚醒提撕將道理去卻 得天道性命眞不外乎此身而吾之所謂學者含是無有別用 講求思索沈潛反復庶于聖賢之教漸有獸相契處則自然見 惺惺乃心不昏昧之謂只此便是敬心若昏昧燭理不明雖强 那邪思妄念只自家思量道理時自然邪念不作言忠信行篤 在眼前自然邪念無自而入非是要存這忠信篤敬去除那不 **把捉豈得為敬** 日用之閒隨時隨處提撕此心勿令放逸而于其中隨事觀理 アインにはまるのりにし 

當愛古人說得學有緝熙于光明此句最好蓋心地本自光明 聚底道理 泛做叉不得故程先生教人以敬為本然役心定理明孔子言 學固不在乎讀書然不讀書則義理無由明要之無事不要理 疑熙字心地光明則此事有此理此物有此理自然見得且如 出門如見大賓使民如承大祭也是散說要人敬但敬便是關 只被利欲昏了个所以為學者要令其光明處轉光明所以下 冒無書不要讀若不讀這一件書便做了這一件道理不理會 (心何嘗不光明見他人做得是便道是做得不是便知不是 一件事便缺了這一件道理要他底須著些精彩方得然泛 バカブ国当先レー・ノー・ニーラン

進或退若存若亡<br />
不濟事如用<br />
兵相殺<br />
爭得<br />
三見<br />
小可 學者讀書須是于無味處當致思陽至于羣疑並與寢食俱廢 是普誠不得只是惡過得此||關上|面工 **乃能縣進因歎縣進二字最下得好須是如此若進得些子或** 了到得不天下處尙有些工夫只為天下關須著如此點檢 頭書始韻未知有疑其次則漸漸有疑中則節節是疑過了這 是夢覺關格得來是覺格不得以是夢誠意是善惡關誠得來 入學是聖門最初用功處格物又是大學最初用功處然格物 主地也不濟事須大殺一番方是善勝為學之要亦是如此 物物原不曾照見似此光明亦不濟得事 小光明然只是才明便昏了又有 一た元子を参与して 一種人自謂光明而事 一夫卻一節易如一 節

學者要看義理須是胸次放開係落明使恁地去第一 精心精便會熟 看書與日月工夫皆要放開心胸令其平易廣開方可徐徐旋 **來隨人入廣在羅浮山住三兩年去那裏心靜須看得較透某** 初疑春秋干心静甚事後來方曉蓋静則心虚道理方看得出 **爾普須是有精力至之日亦須是聰明日雖是聰明亦須是靜** 不散个且放置閉事不要閉思量只專心去玩味義理便會心 **石道理浸灌培養切忌合下便立己意把捉得太緊了即氣象** /運得精神 昔見延平說羅先生解春秋也淺不似胡交定後 ·效才責效便有憂愁底意思只管如此胸中便結聚一 一後疑漸漸解以至融會貫通都無所疑方始是學 アシニノと、ライ 不可先 餁

書牵古人言語入做自家意思中來如此則是推廣得自家意 **况宴德乎今世上有一** 切又要進前尋來卻不是以意逆志卻是以意捉志也如此只 急迫田地狹隘無處著工夫也今人觀書先自立了意後方觀 讀書理會道理只是將勤苦捱將去不解得不成文王猶勤而 是牽古人言語入 意思倒殺向何處去如此玩心方可得古人意有長進處且如 思如何得見古人意思須是虚此心將古人言語放前面看他 **前輩|不敢妄立論之類皆中怠惰者之意前輩固|不敢妄議然** 人未來時且須耐心等將來自有來時候他未來其心急 / さらら えきりしし 八做自家意思中來終無進盆 一般議論成就後生懶惰如云不敢輕議

雖多何害若不親切愈少愈不達矣某嘗說讀書須細看得意 說來今日方真質驗得如此非虚語也 **蕩地了卻舉起一看便是覺得有下落處此說向見李先生曾** 經之有解所以通經經旣通自無事于解借經以通乎理關理 論其行事之是非何害固不可鑿空立論然讀書有疑有所見 得則無俟乎經今意思只滯在此則何時得脫然會通也且 、抵思索義理到紛亂室塞處須是一 乎隨者非謂欲語言之少也乃在中與不中爾若句句親切 「不容不立論其不立論者只是讀書不到疑處爾將諸家說 比並以求其是便是有合辞處 一融後都不見註解但見有正經幾箇字在方好 ノガラ写著をレープ 切埽去放教胸中空蕩 所

常性人之立于天地之閒也則有常事在身有 後近日他只見聖賢所為心下愛傾依他行這是私意不是當 貴就富貴上做工夫遇貧賤就貧賤上做工夫兵法一言最佳 問力行何如說是淺近語日不明道理只是硬行又問何以為 因其勢而利導之人謂齊人弱田忌乃因其弱以取勝又如韓 行若見得道理時皆是當恁地行 古人所以從事于學者其果何為而然哉天之生斯人也則有 信特地送許多人安于死地乃始得勝學者若有辭毫氣在必 八多言為事所奪有妨講學此謂不能使船嫌江曲者也遇富 儘力除非無了此氣這口不會說話方可休也 伯謨一係移為附録 格材蓮案此下有廖晉卿一條移入追溯諸儒學案又方 一身之事在

萬事之宗也惟人放其良心故事失其統紀學也者所以收其 放而存其良也夏萬而冬裘饑食而渴飲理之所固有而事之 者一事之不貫則天性之陷觸也然則講學其可不汲汲乎學 事之大者也以至于視聽言動周旋食息至穢至悉何莫非事 乎此而已管竊怪个世之學者異乎是鼓篋入學抑亦思吾所 所當然者凡吾于萬事皆見其若是也而後爲當其可學者求 克保其性而不悖其事所以順乎天也然則含講學其能之哉 所以明萬事而奉天職也雖然事有其理而著于吾心心也者 所有也弗勝其事則為弗有其性弗有其性則為弗克若天矣 有一家之事在國有一國之事其事也非人之所能為此性之 凡天下之事皆人之所當為君臣父子兄弟夫婦朋友之際人 大大連案をレナス

是縣空揣度去道遠矣近日學者輸仁多只是要見得仁字意 則必嫌然動于中而其朝夕所接君臣父子兄弟夫婦朋友之 謂學者果何事乎聖人之立教者果何在乎|而朝廷建學羣聚 請究義理須要看得如機食渴飲只是平常事若談高說妙便 際視聽言動之間必有不得|而遁者庶乎可以知入德之門矣 升高自下陟遐自通循序積智自有所至存養省察固當並進 思報使逼真亦終非實得看論語中聖人所言只欲人下工夫 存養是本工夫固不越于敬敬固主 而教養者又果何為乎嗟乎此獨未之思而已矣使其知所思 梓材莲类此条舞自文集 さいにはる きかんしまる 一此事惟用力者方知其 5

作事若顧利害其終未有不陷于害也古人臨事所以要回互 養瞬存以至于三千三百之閒皆合內外之實也行之力則知 **講學不可以不精也毫釐之差則其弊有不可勝言者故夫專** 愈進知之深則行愈達 為力行也豈但見于孝弟忠信之所發形于事而後行乎自息 于攷索則有遺本弱心之患而為于高遠則有躐等憑虚之憂 之所起以至于讀書攷古知所用力則莫非吾格物之妙也其 不知所用力爾莫非致知心日用之明事之所遇物之所觸思 一者皆其弊也考聖人之数固不越乎致知力行之端思在人 梓材謹案此條録自文集 般國家大事係生死存亡之際有不可直情徑行處便 井丁母共名里十八

要權其輕重而行之今則事事用此一向回互至于枉尺直等 應變不可預定今世才人文士開口便說國家利害把傘便並 得堯舜許多事業若要一 **即利亦可為與是甚意思 正去量度事物自然泛應曲當人若有堯舜許多聰明自做** 《最不可曉有人奉身儉嗇之甚充其操上食稿壞下飲黃泉 學者講明義理之外亦須理會時政凡事要一 一卻只愛官職有人奉身情苦而好色他只緣私欲不能克師 政得失終濟得甚事只是講明義理以淑人心 - 只見這箇重都不見別箇了或日似此等人分數勝已下底 定之說庶他日臨事不至面腦日學者若得胸中義理明 《宋无事矣》四十八 理會則事變無窮難以逆料隨機 講明使先

學常要親細務莫令粗心問避嫌是否日合避豈可不避如瓜 處事須是慈祥和厚為本如勇史剛果固不可無然用之有處 而已矣 同車不同服皆是合遊處事有不當耐者豈可常學耐事學耐 **所事至于過當便是偽** 便弒父與君也敢 古人尊貴奉之者感備則其養德也感善後之奉養備者賊之 出不納履李下不整短豈可不避如君不與同姓同車與異姓 血氣所使者只是客氣惟于性理說話酒派自然臨事有別 不得如此說體有病便不好更不可以分數論他只愛官職 、弊至于苟賤不廉學者須要有廉陽牆壁便可擔負得

アジングラグー・ブ

者立也 **一般恥便是羞惡之心人有恥則能有所不爲今有一樣人不能** 事去如子路世間病痛都沒了親于其身為不善者不入此大 恥有當忍者有不當忍者人須有廉恥孟子日恥之于人大矣 安貧其氣錯屈以至立腳不住不知廉恥亦何所不至因舉呂 之際限界分明然後可做工夫不然則立腳不定安能有進又 城成于貧賤汲汲于富貴只緣不見這箇道理若真見這箇道 以其道得之不去也然後說君子去仁惡乎成名必先教取舍 舍人詩云逢人即有求所以百事非如論語必須論富與貴是 **云學者不于富貴貧賤上立定則是入門便差了也人之所以** 了之所欲也不以其道得之不處也貧與賤是人之所惡也不 / うこしを / ラスリー M

物之變是以氣勇誅明無所懾憚不幸蹉跌死生以之小人之 心者很矣可不戒哉惟君子然後知義理之所必當為與義理 學者常常以志士不忘滯整為念則道理重而計較死生之心 役志營營以求之邪某觀令人因不能咬茶根而至于違其本 理何富貴之足美而貧賤之足憂邪 輕矣況衣食至微末事不得亦未必死亦何用犯義犯分役心 (所必)可恃利害得失旣無所入于共心,而其學又足以應事 勿失其議論雖多要不出此一一言大較明道之言故欲揚之 恐人滞考亭之言故欲抑之恐人蕩其用心則一也然考亭 宗義來涵養須用敬進學在致知此伊川正鵠也考亭守面 切反是以上黎洲原本 アシフェメオー・ノ

元學案卷四十八終 年者其大意則灼然不失也一輩學人胸無黑白不能買通 朱子之意但驚怖其河漢執朱子未定之論不敢信孔孟幷 不敢信朱氏是豈朱子之所欲哉 之悟畢竟在晚年陽明子為朱子晚年定論雖或有出于早